

光緒江西通志

江西通志卷五十四

山川略一

山九 饒州府

桃源山在府城因淮王建藩於此又名王府山

芝山在鄱陽縣北一里高三十仞周迴十餘里登能仁

寺閣可以眺望匡廬初名北岡又名上素山唐龍朔間

刺史薛振於山得芝草三莖因改今名旁有五老亭仙

人石洞又東爲白兔嶺

宋范仲淹詩樓臺冠崔嵬靈芝安在哉雲飛過江去花落入城

來得

食鴉朝聚聞經虎夜回偶臨西閣望五老夕陽開

王十朋芝山勸農詩出門非爲採靈芝端爲農時不

可遠我欲勸農農勸我田園薄有早須歸明李夢陽

登芝山感事詩吳楚分何代乾坤此郡孤江從樹裏斷

山入雨中無戰鬪名空在英雄世與祖酒酣撫長劒極

目盡重湖周用登芝山詩驪馬登山去其如高與何

竹書聊紀勝芝草已無多野樹吹黃葉丹宮蔓碧蘿同

游吾令尹詩石有人塞視世祿芝山春游詩谿山春

正半載酒鳥邊亭取醉非吾事乾坤忌獨醒
國朝史彪古登芝山詩躡屐陟崔嵬幽尋亦快哉千櫓雲外出
雙塔望中來磬罷僧歸定嵐橫鳥數回行行仙路近洞古爲誰開

薦福山在鄱陽縣東三里濱東湖有薦福寺唐戴叔倫
嘗讀書寺中舊有萬松關百花洲茶園諸勝

鳴山在鄱陽縣西北一百二十五里元總管卜天璋移
文山神捕虎虎遂絕

回會山在鄱陽縣西北靈芝門外舊爲乾明寺今趾建
社稷壇

千峯山在鄱陽縣北五里建有東嶽廟又名嶽山

閣山在鄱陽縣南十里宋太守毛佑之宿山下夢陳涉
來謁建閣祀之故名上有仙人白子高祠壇又名仙閣

山

博士山在鄱陽縣北十里臨博士湖高三十餘丈又北五里爲風雨山古爲雩壇故名

馬蹟山在鄱陽縣東北二十里道書第五十二福地晉王遙煉丹處上有丹井藥孟斗壇山石有蹟如馬蹏故名

塔山在鄱陽縣西十五里上有龍神廟俗呼龍王山明萬厯乙巳知府葉雲仍建塔其上又西十五里爲堯山相傳堯時洚水避難者居其巔郡縣釋名云初州以堯山爲號又以地衍饒遂加食爲饒相近有龍吼山

蓮荷山在鄱陽縣西四十里鄱陽湖中望之如荷葉浮水面

表恩山在鄱陽縣西南四十里濱鄱陽湖每春水漲則

在湖中相傳宋有徐旭者居此獻龍馬恩封洺州守故名

强山在鄱陽縣西南六十里兩山特起濱鄱湖界都昌境亦名狂山

韓山在鄱陽縣北六十里上有韓信祠故名明葬淮王於此改名大安山又北十里爲望湖山危峯突聳可望

鄱湖故名又北二十里爲荆山

元吳存詩雨滯游妨病更妨登臨筋力喜猶强

山光遠映鬚眉潤春氣濃薰杖履香古廟靈衣新繡蔽長松天籟舊宮商重樓畫鎖黃冠出卻笑閒人有底忙

八稜山在鄱陽縣北九十里自逍遙山連延起伏八稜攢峙故名近郭諸山皆分脈於此又大景湖中有西山高可六七仞

觀山在鄱陽縣北六十里舊有列子觀故名

鐵籃山在鄱陽縣東北一百四十里傳是列子采藥處
連山在鄱陽縣西北一百里林木森鬱雲合卽爲雨候
元末項普略屯兵於此又西北爲石步山有石室如堂
殿常有煙靄不可入

鄱陽山在鄱陽縣西北一百十五里鄱陽湖中初名力
士山亦名石印山唐改今名

獨角山在鄱陽縣西北一百五十里一名獨山高二十

丈峭石瀕湖唐王德連記常有獨角獸居此故名宋彭汝礪

同游獨山詩獨山亭子山之心萬竹相圍盡翠陰古剎
地幽紅日永懸崖人靜碧雲深輕風細細無朝夕勁節
依依自古今吏役幾嗟詩筆廢興來不惜爲君吟城
樓日日望霄垠車馬今來訪舊聞寒石萬尋圍翠竹危
峯一點綴青雲洒然自有林泉樂去矣吾非
鳥獸羣安得畫工圖絕致盡收蒼翠寄諸君

百福山在鄱陽縣西北一百五十里危峯矗立一名白

虎山又西北二十里爲大小巖山北曰大巖南曰小巖兩巖對峙高插雲表一名密巖山自大巖分支向西南者爲黃金山高四十仞接都昌界又西北十里爲浩山高數百仞周迴百餘里接彭澤建德界

論石山在鄱陽縣北一百四十里宋李迪翁鑿山開道論石計功故名相近有登科山宋江汝欽登第名以旌之

巍石山在鄱陽縣東九十里又名獅子山上有龍居寺宋岳飛經巍石山詩巍石山前寺林泉勝更幽紫金諸佛相白雪老僧頭潭水寒生月松風夜帶秋我來屬龍語爲雨濟民憂

郭璞山在鄱陽縣東百里高百仞盤亘五十里東抵樂平界爲鄱陽羣山之冠相傳郭璞寓此一名鄒陽山

馬頭山在鄱陽縣東北一百八十里高百仞古木蒼鬱
下臨清流

逍遙山在鄱陽縣北一百五十里自鷹巢分支折西南
而來高四十餘仞盤根七八里東一支爲南山西一支
爲集雲山南而曲嶠八稜諸山皆由此發脈

神峯山在鄱陽縣東一百八十里亦自鷹巢發脈由西
折東盤紆六七里又東十里爲紫城山自淡竹嶺發脈
而來南折而東盤亘十餘里高百餘仞

萬斛山在鄱陽縣東北一百七十里一名禮城山東界
樂平北接浮梁又東北二十里爲交椅山形如交椅故
名

萬春山在餘干縣東北七十里兩峯峭拔中有天池水

清而甘縣之鎮山也其望爲李梅山在縣西南八十里高百丈初名平原峯又名貞女峯五代時有李岐梅用者從章嵩游其上後俱顯故名嵩所居有雲峯齋鐵心庵俱廢

冠山在餘干縣城中平地崛起巍然如冠一名雙覆峯又名羊角峯或稱東岡上多奇樹怪石前瞰琵琶洲相傳唐陸羽於此煮茶有龍泉池雲風堂乘風亭今廢有東岡書院祀朱子及趙汝愚昆弟

冤山在餘干縣東五里初名免山相傳隋末林士宏保餘干敵至市民避居此山得免於難後人以與冠山相對易曰冤山

玉馬山在餘干縣南十里俗訛爲王母山其下有白石

如馬俗號白馬山唐天寶六載敕改今名

支機山在餘干縣東二十五里晉處士支機隱此

黃檗山在餘干縣東南八十里宋尙書湯漢讀書其上
亦名小廬山山後有龍井歲旱禱之有梁僧曹晞坐禪
石

藏山在餘干縣西里許上有梅巖宋趙汝愚讀書處理
宗爲書梅巖二字鐫石稍西有神仙窩蠻王墓谿山風
雨二亭縣西南三十里有雕峯山汝愚葬處也

五彩山在餘干縣西南八十里戰國時吳申自鄱陽徙
居生子芮五色雲見故名接東鄉縣界

洪崖山在餘干縣西北六十里瀕鄱陽湖唐張氲煉丹
處有丹井遺迹

康郎山在餘干縣西北八十里鄱陽湖中舊云康氏居

之一名抗浪山謂能抗風濤也謠曰康郎明太祖救南

昌與陳友諒戰於此後建忠臣廟於其上明陳謨臘月三日次康山

廟阻風詩風滑不成雪雨寒徒滯舟湖低山石長天盡

水煙浮漁子身如葉將軍命賭侯報功存廟食白骨漫

成邱如張昇詩太陽一出楚煙空記取當時霸力窮雲

影尚如旗影密水聲渾似殺聲雄丹青自顯千年迹基

業誰談一戰功今日笙歌隨處有好將清興問漁翁

朱孟震康郎山歌康郎歌鯨鯢振鬣揚洪波天子親乘

六龍駕樓船巨舸高差我翠華搖搖懸日月左秉白旄

右黃鉞縱橫大戰數十圍錦浪翻紅漲腥血敵營脂飛

張奇氛北風反火輒自焚焦頭爛額沈波裏奄忽蛟飛

水上軍山為組兮冰為練自古英雄無此戰威聲奄忽煙

馮夷宮殺氣奔騰龍伯殿康郎水康郎山霸氣奄忽煙

焰間鼉鼉蝦蟆總淪沒猓梟梟身赴鬱攸大鯨左目中

飛鼓康郎坐令為承鹿小貌中身赴鬱攸大鯨左目中

箭鏃我皇旂鼓震溟洲凱歌歸奏丹鳳樓降軍十萬散

海浦太白曉挂蜚尤頭康郎山康郎水王業艱難白茲

始海宇清平垂萬年敬獻頌歌繼青史帥機舟入鄱

陽望康山印事詩魚鳥堪游目何如市井中青陽浮水

君野燒滿天紅神武山川色靈祠社稷功重來經六載

浪迹逐春鴻黃鑑詩湖上新春入舊年晴光蕩漾
艤前雲天漸覺孤蓬遠風浪無嫌爽洛偏眞主運承周
鼎後假王功著祖鞭先千秋廟食雞山頂過客徘徊一
繫船國朝甘京詩羣雄爭一戰天與定乾坤帝業人
何在忠臣廟尙存象煙勒伏臘碧浪湧朝昏獨有槐根在當年沐聖恩

石虹山在餘干縣北十里橫石跨水文彩若虹有石室
甚廣旁列石障如屏風刻古篆八十三字久莫能辨舊
有仙子棋盤機車之屬今蹟俱湮

武陵山在餘干縣東北三十里臨大湖卽古之武陵史
記東越傳天子使樓船將軍楊僕出武陵是也元末兵
起吳宏立營其上名武陵營山下有谿爲武陵壩俗名
後谿明黃宗厚詩武陵谿水浩無涯故趾荒營盡土花
寒雁一代勳猷歸史策十年功業屬皇家平沙暝雨曉
烹終古有行人何必重咨嗟

康山在樂平縣東五里乃縣之主山其麓康氏居此一

名東山

登高山在樂平縣東山二里

元朱公遷詩雲氣陰陰隔樹亭身憑高處眼雙明苦

無黃菊供人摘只爲青山了此行孤雁飛來風正急一谿流出水尤清良辰況復同佳友不用辭君滿酌觥

國朝洪緯望登高山詩年年春日便登高一望平

崎十里遙孝子祠堂遺舊址可春亭畔長新條

有石人石鼠

翥山在樂平縣東十里吳平彭綺於此又東十里爲天

分山山石黑白相半故名

王佐山在樂平縣北五十里眾山中特爲蒼秀土人呼

爲陽早山

鑑山在樂平縣北五十里

烏聊山在樂平縣東北五十里山陽有龍停湖其東爲

釣臺山仙女潭其西爲鷺塘之盤石石下有潭曰大汾
陽台山一名王大山在樂平縣東五十里明沐國公英
祖墓在焉

軍山在樂平縣東六十里枕谿上有井唐末五姓軍保

山捍寇因名

宋張繼一鰲詩亂石如羣羊合沓千里奔
軍山屹當前盤踞老虎蹲鉅鎮壓坤維層

巔沒雲屯下瞰大谿流千尺清不渾舟人落風帆挽絳
繫山根上欲看星斗懸厓那可捫嚴粲被檄樂平至
鳴谿渡有山與南豐軍山同名詩并序余昔從嶺庵謝
先生夢得游先生于湖畏友也豪於詩悅軍山之峭拔
暢其吟懷自昭武徙家於市山築室曰西窗以朝夕對
焉嘗命余記之余時從西窗樽酒論文爲樂如是者十
載今先生已矣感而賦詩
山名偶自同喚起西窗十年夢一梅何處酌詩翁

芙蓉山在樂平縣東六十里以狀如芙蓉故名

鷹鵠山在樂平縣東七十里如鵠飛舉旁有山如鷹將

擊土人總呼鷹鵠山又東十里爲巖崕山在樂平縣東

八十里介饒徽間相對者爲葛山向有李氏讀書精舍
宋許錫詩平時西北望山峯我忽西行山
在東東望不如西望好只緣身已出山中

石屋山在樂平縣東北六十里俗訛爲石吳山吳谿水
流經其下

鳳游山在樂平縣東北八十里饒徽間一巨鎮舊名潛
源唐改今名山麓有潮泉其出洶湧其收立涸

樂平山在樂平縣西南二十里有石似墨舊呼石墨山
唐天寶六載敕改今名又縣南四十里有利石山唐永
徽中取其石以供銀冶又南二十里仙鶴山相傳漢張
道陵學道處舊名鵠鳴山唐天寶六載敕改今名其下
一池三阜中阜有靈鶴觀

乳泉山在樂平縣西北四十里下有石如研初名石研

嶺唐貞觀中西麓出乳泉天寶六載敕改今名縣北六十里有練銅山唐置場冶銅天寶閒賜名後洪水發山傾爲湖

石城山在樂平縣東南六十里一名仙人城中有會仙

洞宋少卿李常題曰叢玉李伯時畫爲圖

宋彭汝礪詩大松十里建

旌旗曉日朝霞五色衣幽谷靜聞猿一嘯白雲時見鶴雙飛花開洞府春常在入會瀛洲夜未歸家近武陵時入夢詩成更憶故山薇

文山在樂平縣東南七十里山勢磅礴連廣信之弋陽貴溪地多幽險舊設官鎮之

青峯山在浮梁縣谿東一里舊名鳳岡山山色多青故易今名讖云青峯圓出狀元宋程瑀讀書其上構軒曰壯圖後果及第

王師山在浮梁縣東五里宋朱黼孫居此有道人過云
茲山秀拔當出王者師後黼孫官太子諭德爲度宗師
石埭山在浮梁縣西南一名石觜頭山腰有道通景德
鎮

最高山在浮梁縣南二里宋辛次膺寓此明隆慶五年
建塔其上以映學宮縣北五里有孔阜山狀類覆釜

江山在浮梁縣西北四十里江山水出此

程山在浮梁縣東六十里界連樂平卽石吳山之別峯
也陳時程靈洗之裔居此族旣盛因以姓名山

芭蕉山在浮梁縣東八十里翠巖插天望之如芭蕉相
近爲鹿角山其地沃潤縣東北七十里與芭蕉山對峙
者爲白石山瀑布一瀉千丈其南有龍井旱禱必應

九英山在浮梁縣南五十里唐甯謨有九子據此以禦
黃巢因名又南十里爲石門山宋尙書彭汝礪讀書處
旁有龍池

同瞻山在浮梁縣東南四十里山高而秀人所具瞻其
支爲山棗嶺盧嶺最峻者爲蒙嶺東爲黃山北爲瓦屋
山寒嶺明方沂詩披衣曉起度同瞻石徑崎嶇百折旋
紅溼馬蹏花外雨翠浮襟袖樹梢煙青崖鳥影
飛屏畫空澗泉聲潤野絃琴磴
門蘿升絕頂身高渾在五雲邊

大游小游山在浮梁縣東南六十里高越諸山延袤百
餘里竹木蔭茂

陽府山在浮梁縣西二十五里景德鎮峭立谿側地暖
少雪物皆早秀下有陽府寺泉石幽勝

萬戶山在浮梁縣西三十里奇秀聳拔與陽府並峙相

傳晉郭璞云當有封萬戶者出後宋程節應之其東爲金魚山程節之祖業漁其下有異人指其臥榻曰葬此子孫當爲望族後節與弟筠及子鄰俱顯山下有金魚灘

石鼓山在浮梁縣北三十里有石望之如鼓又北十里爲明堂山宋僧佛印生此又有紅鶴山一名紅杏山又北二十里爲黃連山建師港之水源於此接德興縣界浮和山在浮梁縣北接安徽池州界爲饒池之閒巨鎮謹案謝志有張公山在浮梁縣東一百里鄱江發源之地縣志辨張公山在安徽婺源境今剛

鄧公山在德興縣東三里因鄧遠得名舊名銀山唐總章初置銀場讖云白鳩出銀冶畢至宋白鳩雙出山穴傾摧而銀課未除范仲淹知州事請罷之有詩云三出

專城鬢已霜一封奏罷鄧公場卽指此也

天門山在德興縣西半里高二百餘丈周十里下有怪石嶙峋橫障洎河諸水

歲寒山在德興縣西南二里宋至和閒周冕卜居其上鐫歲寒二字於石壁故名一名獅子山又縣東南二里有肯堂山宋乾道閒余斂子瀚重葺繡綵堂朱子更顏曰肯堂因以名山

大小花山在德興縣南五里相傳漢長沙王吳芮昔曾隱居蒔花其上相近有理旗山隱將山皆芮遺蹟也

洎山在德興縣東八十里洎水發源於此

將坑山在德興縣東南七里唐黃保靈因獲黃巢餘黨銘其山以旌功

龍潭山在德興縣西五十里橫谿水出此

銅山在德興縣東三十里唐置銅場處

南山在德興縣東二十里宋李華讀書於此又東十里爲箬坑丁山宋姜夔隱居讀書之所

洪雅山在德興縣西北五里宋縣丞王貴行西蜀洪雅人義不仕元赴天門水死子石泉奉柩卜葬於此因名寰宇記德興縣有洪崖山疑卽此

大茅山在德興縣東南一百里千峯萬嶂爲一方之鎮

明陳策詩千峯倚空碧萬嶂礙行雲林深人迹少雞犬自相聞

隴坑山在德興縣西南五十里有石狀圓如月宋余安行居其下號月石老人

福泉山在德興縣西南八十里上有天池涌泉下注利

灌溉不竭名曰福泉

紫駝山在德興縣東南八十里

高湖山在德興縣東三十里四圍峭聳絕頂平曠可容數千人元末里人張昭建寨於此又東界有少華山跨饒信衢三州本名三清山詳見廣信府山類

玉真山在安仁縣治後左右石趾如鉗唐進士柳敬德讀書寓此鐫玉真臺三字於石壁縣治東有張古山一名果老峯世傳晉張微修煉之所有小丹池在上與果老峯頽頽者爲挹仙嶺上有亭

華山在安仁縣西北七里最奇秀類池州九華山故名鐵山在安仁縣東十五里其石堅固鄉人鑿爲碓磳之器翠律高出者爲金一作盤山綵互三十里當安仁貴

溪之衝上有花尖嶺傳是漢英布葬處

泉塘山在安仁縣東八里山足有七孔泉流不竭

青山在安仁縣東北十里

鳳凰山在安仁縣南十五里形勢起伏如鳳凰相對者
爲羅山又南二十五里有馬岡山高百丈許形如覆釜

盧山在安仁縣北十五里形勢蜿蜒與金盤山相對又

北五里爲吳山

謝志稱吳山本名盧山茲據府縣志改正

明正德三年姚源

寇起參政吳廷舉立營於此故名又北五里爲牛頭山

其東有埽帚嶺世傳晉石敬純爲父復讎逐牛昌隱至

此於馬上斬其首屍不仆騎行五里許孕婦以埽帚指

之乃仆故名一名吉泉峯

謹案安仁縣志埽帚嶺卽吉泉峯謝志分列爲二今正

蟠象山在安仁縣北五十里高數十丈形如象蟠

紫雲山在安仁縣西北三十里與餘干縣白雲山相接其下水田若霞彩相映也

招仙山在安仁縣西南七十里孤峯屹立高出羣山相近者爲積煙山接東鄉縣界

犁壁山在萬年縣東五里許四圍突起盤旋如壁一名挂榜山今名奇壁峯明參政吳廷舉平姚源寇駐兵於此

託裏山在萬年縣西二十餘里屹峙河濱爲縣水口

軸山在萬年縣西北平坂中特起峭壁百丈西南臨江齋堂山在萬年縣北崛起數百仞

武山在萬年縣東四十里一名武石峯怪石巉巖瞰江澣有仙人巖龍虎穴諸勝山頂有真武廟廟後有池泉

流不竭

古陽山在萬年縣西三里

木瓜障山在萬年縣北十里其南麓卽梁山坂明千戶李俊剿賊於此遇害相近有馬耳山自馬鞍山蜿蜒而來陡起兩峯有石如馬耳狀又縣西南有團湖山下有團湖坪宋末張孝忠與元兵戰死於此

寅吉峯在鄱陽縣東高聳百仞根盤二十餘里

南極峯在餘干縣東南五十里明儒胡居仁講道處石螺峯在餘干縣西南五十里其陽有石室紋如螺宋隱者蕭釋讀書處

石榴峯在浮梁縣東南五里一名塔尖山

五花峯在浮梁縣東八十里五峯並峙亦名蓮花峯又

縣北一百里有雙峯瀑布百丈望之如素練懸空

楊梅峯在德興縣西南六十里其峯高聳麓多楊梅故名又縣東南十五里有羊牯峯拔起百餘丈峯頂有仙迹旱禱應焉

九龍峯在安仁縣南六十里勢連麀尾山其下平岡折爲九支巖旱應禱縣北五十里有鶴仙峯

雙峯在萬年縣東北十五里宋儒饒魯宅當其前因以自號

雩紫峯在萬年縣東北五十里屹立千仞盤屈十餘里南爲梅嶺北爲銅錢嶺

萬年峯在萬年縣北十里壁立數百仞其南一支直至北城接眞武嶺縣之主山也因以名縣縣西北有奎光

江西通志卷五十四
九
峯

龍嶺在鄱陽縣北九十里縣互數里高四五仞

南冲嶺在鄱陽縣西北一百五十里自雞鳴峯折東南而來高百仞周二十餘里元時爲驛路相對者爲封路嶺

斜坑嶺在鄱陽縣北一百九十里高百仞周三十里瀑布飛流林木蔭蔚上生秋蘭

貊戾嶺在餘干縣南十五里嶺下有石龜

柯木嶺在樂平縣靜理鄉自樂平入鄱陽路松木嶺在永善鄉自樂平入弋陽路刺門嶺在金山鄉自樂平入德興驛遞所經

夕陽嶺在浮梁縣東一百二十里相傳藍采和吹笛於

此旁爲新嶺巖嶺縣北一百六十里有梁和嶺小北港水源於此乃微池之交

和尚嶺在浮梁縣東五十里慈谿水出此

南村嶺在浮梁縣南五十里接樂平縣界

庫源嶺在浮梁縣北三十里磨刀港水出此

桃樹嶺在浮梁縣北一百五十里下有桃樹鎮

萬年嶺在德興縣西南七十里昔宋康王由此入閩曾駐蹕其山因表曰萬年

黎浦嶺在安仁縣南五里

吳嶺在安仁縣西南六十里相傳長沙王吳芮與東越王嘗戰於此其嶺有洗馬池縣北五十里有金竹嶺其竹多黃碧色

桃嶺在萬年縣十一都明正德間知縣陳攬爲鄱陽丞
於此劫營勝賊

百丈嶺在萬年縣東五十里接貴溪縣界相近有石牛
嶺

禪嶺在萬年縣南十里又南充嶺在縣南環谿水出此
三界嶺在萬年縣西當萬年及餘干安仁之交故名
雷岡在鄱陽縣東北六十里東曰大雷岡雷義所居西
曰小雷岡雷煥所居根盤六七里

白鹿岡在鄱陽縣東五十里相傳唐永徽中張蒙逐白
鹿於此

福屯岡在餘干縣南五里多石無草木
七里岡在安仁縣西南四十里有岡平曠周迴約七里

月巖在樂平縣北五十里鄭氏世居其麓

洪巖在樂平縣東北九十里高聳百餘丈盤亘四十餘里有天井巖桐木巖風巖氣巖惟洪巖最著山腰有石室南北相通其中雲氣泉聲四時不絕山下洪氏世居之亦名洪源

梅巖在樂平縣東北五十里

明邵寶游梅巖記略巖高二十餘丈入洞門闊十餘

丈稍曲而左窪然如入室焉當承宇處有石如筍者如菌者如珊瑚琅玕者纍纍下垂如將墜然近壁處有石鱗鱗號仙人田右行又如一室室之頂垂石折盤如龍蛟之耳中一竅水滴注右折而行地漸高有石如舟者如棋者地漸寬平如階以升其上蓋揭鐘懸益宏而虛如亭之狀左右穴各一天光照焉出之則山巔也

仙石巖在浮梁縣東十五里一名石佛巖又十五里爲洞靈巖有洞四曰慶雲蓮花含虛張公朱子嘗寓其地水龍巖在浮梁縣東四十里有二巖水從黃壇入注巖

中潛行地下一二里許復出迤南二里爲白鶴巖有大石室

滴乳巖在安仁縣北五十里宋尙書湯漢未第時讀書其側每晨巖下滴乳香一撮以供鑪炷後漢沒其乳遂絕

馬祖巖在安仁縣南六十里四山壁立如不可入巖前洞壑幽深漸下數十丈仰觀有隙如綫名一綫天巖上有瀑泉飛下十餘丈巖間所構梵宇禪舍俱極幽邃相傳馬祖於此卓錫故名

高嶺洞在浮梁縣東七十里地連安徽徽州黃巢之亂鄉民據之有走馬臺雙井泉元末兵起李昌立寨守此管坊洞在安仁縣南七十里羣峯峭立其中深邃可容

萬人有田可耕有鐵門限及牀竈之屬又有雲錦洞相傳漢張道陵修煉處

姚源洞在萬年縣東一里許其洞深十五里兩山並峙林木蒼鬱土田肥饒明正德閒爲盜據縣由此設

龍舌嘴在鄱陽縣東南六十里根盤二十餘里高四五丈許

蛇口石在浮梁縣南三里屹抗河中石之西建浮屠縣北三里有會仙石在鑑潭之西壁立水際可坐十數人又里仁鄉有寶石一峙潭心一蹲沙際壽安鄉有龍睛石

雷石在德興縣十都深潭中突起一石周圍丈許相傳雷震而化又二十六都有梅花石去徐公潭半里許

雙魚石在安仁縣南三十里兩石宛然若魚泝流而上

俗傳能壞陂堰因鑿其首

雄雞石在萬年縣東源村螺旋峯下有石黑色屹立如

雄雞狀其上為羅仙庵以上並據府縣志

山十 南康府

廬山在星子縣北二十里謹案廬山界在南康九江之

皆分列互紀茲承原脈由桂嶺北折袁瑞迤武甯東孕

文因舉其例於此結茲山禹貢云過九江至於敷淺原蔡沈書傳謂當指

廬阜也酈道元水經注引山海經廬江出三天子都入

江彭澤西一曰天子鄣山水相依互舉殊稱明不因匡

俗始矣後人因匡君姓呼為匡山又謂之輔山靖廬山

古名南障山宋開寶中避太祖諱更名康山今仍稱廬

山茅君內傳云洞天三十六其八曰廬山名山靈詠真

之天周景式廬山記云高二千三百六十丈伏滔游廬

山序云廬山者江陽之名嶽背岷流面彭蠡蟠根互數

百里重嶺桀嶸仰插雲日周必大廬山後錄云有九十

九峯櫛比磬折如城堞然晉釋慧遠記山在江州潯陽

之南爲小江出焉其會彭澤海經云廬山在其西故舊語以所

引三彭澤西一曰天子障彭澤也山在其西故舊語以所

濱爲彭蠡居其下或云裕受道於仙人而適游其巖遂託

隱時潛居其下或云裕受道於仙人而適游其巖遂託

室巖岫即巖成館後人感其所以止爲神仙之廬而名

焉其山大嶺凡有七重圍基周迴垂五百里風雲之所

據江山之所謂高巖仄宇峭壁萬尋幽岫窮崖人獸兩

絕天將雨則有白氣先搏而縷絡於山嶺下及至觸石

吐雲則倏忽而集或大風振巖逸響動谷羣籟競奏其

聲駭人此其化不可測者矣眾嶺中第三嶺極高峻人

之所罕經也太史公東游登其峯而遐觀南眺五湖北

望九江東西肆目若陟天庭焉其嶺下半里許有重巖

上有懸崖古德之所居也其下有巖漢董奉復館於巖

下常爲人治病法多神驗絕於俗醫病愈者令栽杏五
株數年之間蔚然成林計奉在人間近三百年容狀常
如三十時俄而昇仙絕迹於杏林其北嶺西巖之間常
懸流遙雷激勢相趨百餘仞中雲氣映天望之若山有
雲霧焉其南嶺臨宮亭湖下有神廟卽以宮亭爲號其
神安侯也亭有所謂感化嶺七嶺同會於東其巖窮絕
莫有升之者昔野夫見人著沙彌服凌空直上旣至則
踞其峯良久乃與雲氣俱滅此似得道者當時能文之
士咸爲之異又有所止多奇觸象有異焉北背重阜前帶雙
流所背之山左有龍形而右塔基有異焉下有甘泉湧出於龍
煖與寒暑相變盈減經水獨旱而絕於林表數百丈其下似
首也南對高峯上有奇木獨絕於林表數百丈其下似
一層浮圖白鷗之所翔元雲之入也東南有香鑪山似
孤峯獨秀起游氣籠其上則氤氲若香煙白雲映其外
則炳然與眾峯殊別將雨其下風水氣湧出如車馬蓋此
龍井之所吐其左則翠林青雀白水氣湧出如車馬蓋此
熱西有石門其前似雙闕壁立千餘仞而濕布流焉其所
中鳥獸草木之美靈藥萬物之奇略舉其異而己耳其地
梁簡文帝碑序夫日月麗天皇穹所略舉其異而己耳其地
后土所以維甯廬山者亦南國之德鎮雖林石異嶽帶地
雲霞共色長風曳帛則萬籟俱響晨曉吟則百嶺齊而
應東瞻洪井識曳帛則萬籟俱響晨曉吟則百嶺齊而
誠復慕類易悲山中難久攀蘿結桂多見淹留之可拾
白秋於敬亭送從姪嵩游廬山序余小時大人令誦子

虛賦私心慕之及長南游雲夢覽七澤之壯觀酒隱安
 陸蹉跎十年初嘉興季父謫長沙西還時余拜見和飲
 林下崑乃稚子嬉游在旁今來有成鬱負壯氣吾衰久
 矣見爾慰心申悲道舊破涕爲笑方告我遠涉西騰香
 鑪長山橫滅九江卻轉瀑布天落半與銀河爭流騰虹
 奔雷激射萬壑此宇宙之奇詭也其上有力湖石井不
 可得而窺焉羨君此行撫鶴長嘯恨丹液未就白龍來
 遲使人著鞭先往桃花之水孤負宿願慙未歸於名山
 終期後來攜手五嶽情以送遠詩甯闕乎獨孤及送
 薛處士業游廬山序薛侯敦於詩固於學敏於行時然
 後言言而寡尤口不言祿祿亦不及識其真者也爲永
 歎而薛侯居之澹如君子哉若人也方以城市鄙於邱
 壑倦游不如嘉遯是月也拂纓而上之塵西游廬山生
 有峯頂大林下有東林西林化遺愛六寺慧遠道生
 二公昔嘗眷戀於斯焉履痕屐齒徧滿崖谷神期肝蠟
 恆若對面之子之往獲心安契矣苟藏器於身時行蠟
 待之將來隱顯一致彼安貞者其或有之利涉之樞機乎
 趙補闕驊王侍御定張評事有略各以文爲贈李德裕
 之所以然余亦持御片言用代疏麻瑤華之贈澄潭峯連
 望匡廬賦并序滄湖口北望匡廬二山影人澄潭峯連
 清漢江水無際煙景相鮮沿流而東若存世表因懷遠
 公陸先生張然成賦春水湖平齊天景旭眇赴海之清遠
 潮映干霄之翠嶽波鱗爛而勢微帆雁引而相續輕煙
 冒於鑪峯若香散於空谷飛流灑於星灣疑虹飲於曾

曲想遠公之平昔比孟綽之不欲談精義於松閒寄虛
懷於巖足喜濯纓而旋返悲負鼎而放逐恥隨屈賈之
波不及宗雷之躅整襟帶於瑤席望元師於林麓徒佩
紫青之書未脫朱丹之穀感明主之嘉惠荷天地之覆
育既復扶陽之爵又剖專城之竹被金組於薄躬昭皇
明於荒服豹文忽變蔚然以或蟬綏更新倏然而脫雖
澡身於滄浪終有愧於玷辱念大福兮不再來歸東皋
兮供黍粟宋李綱送陳淵後叟游廬山序江南諸山
廬阜爲最北枕九江南據星子奇峯秀嶺縣互連絡不
可名狀號爲山林瓌瑋絕特之觀士大夫有高世之趣
者多願游焉政和癸巳之夏予自豫章之京口道廬山
下便風順流日數百里願游而不果往晝臥舟中仰望
五老香爐諸峯巉然倚天雲煙出沒頃刻萬態欣然樂
之自謂他日褰糧以償夙願不難耳迨今八年薄宦羈
束願莫之遂臨風撫以償夙願不難耳迨今八年薄宦羈
里而往觸隆暑涉長道不以爲勞其志豈特欲盡山林
瓌瑋絕特之觀而已哉茲山之南有人焉修行如幻三
摩蓋歷諸世故備嘗艱難如夢如響如光如影如空如
其心安然不爲毀譽之所動搖其容溫然不爲窮困之
所枯槁其視瞭然久而益明其氣溫然老而益壯後利
將往見之爲我致問無量居士少病少惱否起居輕利
否世事可忍否云何修苦薩道云何修苦薩行願得居
士謦欬筆墨之餘以作佛事使初發心者多所饒益幾
叟歸其有以語我若夫山林瓌瑋特之觀幅巾杖履逍遙

御我使玩味諷繹如親游其閒以慰願之常哀集次第并以
示因用之序以識別王庭珪遊廬山記九江出蜀東會於
潯陽雲濤雪浪相擡擊而下是爲九江之上有巨
山崛起名甲天下自外望之巍然高宮大與他山未異
也環視其中磅礴鬱積巖壁怪偉琳宮佛屋綽綽秀絕
愈入愈奇而不窮乃實有以甲天下也予往偕計吏
數取其道山陞望其巔欲躋焉探天池則陰靈宿漱然
出於洞穴之中欲冲射人壘夫虺蜴蛇虎之聲磨牙
吮而垂涎而鳥道欲冲射人壘夫虺蜴蛇虎之聲磨牙
足力躋而寄目以償所願是數者不可人意雖好游者
果陽躋名世自圓通所願是數者不可人意雖好游者
武陽躋名世自圓通所願是數者不可人意雖好游者
漢陽躋名世自圓通所願是數者不可人意雖好游者
見天末不可名狀而香鑑於一峯尤勝絕草堂正坐其下
宜昔時隱者之所喜盤旋於此也過西林履地五里許
至資聖庵資聖而漸峻拔非數十步輒一休不可疾
至資聖庵資聖而漸峻拔非數十步輒一休不可疾
相錯如錦繡然自錦繡谷不半里至天池妙吉祥寺去
平地二十里矣是夜禮文殊於瑞光亭拜未起而僧
燦發於欄楯之外大小幾百餘名山蘊靈必有神物
示此聖鑑也予不能致請竊意銘明滅合散不常有怪
欲示其異以驚眾而然邪抑草木竹石之自有光怪而

爲此邪或謂唐會昌中二僧藏金像於錦繡谷恐其祥
光騰溢而出此說幾近歟寺有貯雲庵又在絕巒頂
峭發壁立數百仞下三雲氣而薄星辰者皆出乎衽席
之近明日由北彰中石龍至佛手巖巖中清涼若欲奔
丈餘水濺髮爲堦巖西半里登相泉上觀筆坐禪
動視之毛髮爲堦巖西半里登相泉上觀筆坐禪
臺之故林遺趾山中人傳數有僧見竹林寶利於此轉盼
失之唐大今號竹林化寺復從巖東北去三里許至寶樹
卽唐大今號竹林化寺復從巖東北去三里許至寶樹
罕至古今識游者鑱刻未泯也寺三里東有文殊四望池
池一里至松一峯極醜怪偃於四望臺之上若張蓋然坐
其二臺以觀浮圖之屋穹奧殿負崖架空磊砢在天半紺
碧照耀環山而四出九江波濤雪色碎擺振撼合而東紺
去者皆在乎履舄之下彷彿注視目不得瞬千萬狀而之
變態亦不可得而窮也於是下峯頂十里至普照寺而
寶興石盆復投宿東林觀壁間記游者甚眾下至廣嚴寺
游連枝亭復投宿東林觀壁間記游者甚眾下至廣嚴寺
天池佛手巖而止吾二人自謂饒覽徧山北好處因回
視江南地雄富內坦夷千里自謂饒覽徧山北好處因回
江濱若造物者喜設宏壯屏扞於此土使江南清淑之
氣蜿蜒儲育至是礙而不得西嘗產而爲幽蘭瑞香芝
英竹箭之美與夫三脊之茅千尋之魁豪不世出之土埋
喘太平之時未能獨當奇也尚有魁豪不世出之土埋

光範采於其間而求之復無有豈明天下在上皆已出
而仕者歟彼陶令與十八賢者一溺於此遂終身不出
蓋當時挈治世具不得設張印思自放於山谷之閒而
進退卒以不汙後世不敢少營焉白樂天取於一時者厥
明之爲人樂之而不世是皆人與山相得於一時者厥
後當宗閔權勢震赫時終不附離爲進取計氣節自高
豈無待而然邪予與名世冒風埃走數千里忘其悲憂
或擬焉旅或成不已之懷而驟得天地怪奇偉麗之觀
則茲游所得時人亦由山測云旣歸遂錄以記之陸游
遊廬山記八日早由山路至太平興國宮門庭氣象極
閎壯正殿爲九天采訪使者像袞冕如帝者舒州潛山
靈仙觀祀九天司命眞君而采訪使者爲之佐故南唐
名靈仙觀祀九天司命眞君而采訪使者爲之佐故南唐
宗皇帝時嘗遣中使送泥金綵羅雲鶴帳仍命三年一
易神宗皇帝時又加封應元保運眞君及賜塗金殿額
兩壁圖十真人本吳生筆建炎中李成何世清二盜以
廬山爲巢宮屋焚蕩無餘先是山中有一宮摹吳筆
於殿廡及太平再興復募取太一本所託非善工無復
髣髴想於雲無心堂蓋冷翠亭故址也猶聲如大風用
至使人毛骨寒慄一宮成之最勝處也求訪殿前有錦樓
高十許丈三層累磚所成不用一木而欄櫺帶飛雖木
工之良者不能加也但鐘爲博所掩蔽聲不甚揚亦是
一病觀主胡思齊云此一樓爲費三萬緡鐘重二萬四
千餘斤又有經藏亦佳扁曰雲章瓊室太平規模大概

類南昌之玉隆然玉隆不經焚燬尚有古剎為勝也遂
至東林太平興龍寺如城郭東林在其中以地者謂之北
而西環合四抱有虎溪本小湖比年釐以墾但若一苗無
挂龍格寺門外主僧法才去磚使少近自無不知能用
復古趣予勸其主僧法才去磚使少近自無不知能用
吾言否食已煮觀音泉啜茶登華嚴閣漢閣與盧舍
閣鐘樓鼎峙皆極天下之壯麗雖闢漸名蓋所不能逮
遂至上方五杉閣而舍利塔亦不甚高五尺圍者今又數百
徑穿松陰躡石磴而上亦傳所謂大尺圍者今又數百
五本傳以爲晉時物白佛所跋陀尊者白西域持舍利五
年其老可知矣近歲主僧了然輒伐去殊可惜也塔中
作如來示寂像本宋佛馱跋陀尊者白西域持舍利五
粒如來示寂像本宋佛馱跋陀尊者白西域持舍利五
亦如記所云其他如瀑水蓮池亦皆在高風逸韻尚可
想見白公嘗以文集留草堂後屢亡逸真宗皇帝嘗令
崇文院寫校以文班竹帙送寺建炎中又壞於兵今獨
有姑蘇版本一帙備故事耳草堂之旁又有一故址云
是王子醇樞密庵基蓋東林為禪院始於王公而照覺
禪師常總實第一祖總公二月九日予還自江有遇門
李洞游廬山記別數年一旦出不意相得甚遂同
人萬子方於潯陽已銜山明霞森射勃苑天際行未十
游匡廬北出郭日已銜山明霞森射勃苑天際行未十
里道旁水聲悲鳴向以就來者低暮經一小山迴谿崇
岡列岫漸旋辟馳向以就來者低暮經一小山迴谿崇

雲疊巘蒙翳路轉欲冥半巖有大樹高十丈餘白花
敷照映谿谿谷口叢薄閒茅屋一區寂無人聲約更初
至聖治太平宮宿聽雨軒鄰房亦有客方寢乃前巴陵
守易平樊炳子明固將窮深極討咸又喜以爲得侶明
日過匡山精舍臨磬湖披輿與過東林寺方行林隙中白
訪隱者桂心淵不遇遂肩輿過東林寺方行林隙中白
雲徐舒青峯遞明心忽不定久之因憩三笑亭由三笑
虎谿遵社蘇白堂遂升上方望靈運講經臺慨然前人
高風上方出東林後單山崛起與匡阜對阜若大屏居
前其上縑經臺明日出西林登天池山望絕頂路險甚
捫厓窮澗矯首千巖瞰徧微嶺下視幽林壑橫潰凝立待
定四顧生怯青蘿蔽礙咫尺無路幽鳥飛鳴山應逾遠
有石突出霄漢閒其略若巨艦乘瞿塘縣流急開峽口
問之鐵船峯云如是緣石磴以上餘二十里至天池坐
文殊閣下視萬彙杪甚毫髮江流匯深杯帶泓明羣山
起伏掩抑微浪挹漢王甚髮徙倚白雲亭觀朱將岳飛詩
謂其當朝廷多事猶能抵隙而爲是游得支徑上大林
僧慧遠始居樂天濂溪所嘗游出緣絕壁下入佛手巖
廣不能數楹下憾無地曠覽悠邈視天池雄麗過之側
出微徑愈進而愈遠崖如几筵延袤丈餘三面皆斗錦繡
絡隱顯翠壁前控飛崖如几筵延袤丈餘三面皆斗錦繡
從旁一松偃蓋下覆方臥厓上月在松杪其下卽錦繡
谷謂春時谷中花開猶錦繡也故云又謂每風雨開鐘
磬梵唄寺蓋隱其中云是晚下宿福海寺明日到圓通

飲三蘇堂又明日導者失路遂踰匡王觀谷簾泉淵明
栗里抵靈湯由是蓋轉而之山南矣乃從報先寺杏壇
閒遙望白雲紫霄諸峯森猶紫筍矗其巔耶舍塔冠簷
玉如憩歸宗寺觀晉王右軍義之墨池驚池酌鷺溪一
滴泉夜宿陸修靜簡寂觀所當軒白雲川而去至開先寺
魁斗倚雙瀑閒飛玉泉萬竹亭漱玉亭青玉峽峻字
其東馬尾泉其西飛玉泉萬竹亭漱玉亭青玉峽峻字
天關兩崖嵐翠欲滴其地如大甕泓渟為潭潭中有巨
石數四循石阪下其巔委勢遠益緩始逡巡斂怒趨去
旋雲錦閣西軒望瀑布其旁香鑪雙劍二峯尤秀麗特
甚云上有三石梁橫絕青冥窅不見底苔滑不可度
輒得遇異人瀑行青壁閒如長虹委蛇下沈湫淵須臾
大風暴起泉不得行從旁掣曳欲斷還續忽飛旋重輪
直入空際迴風一散萬象冥蒙或文綃霞縠降天際
偶隨鸞車奄爾而逝瞬息萬狀殆不可窮急雨繼之四
山霧晦銀竹森豎形神閒悟自以茲游冠絕平生即相
與命酒頽然就醉以臥明日越羅漢閣東行五老峯下
五老頽然就醉以臥明日越羅漢閣東行五老峯下
與我語笑頽然就醉以臥明日越羅漢閣東行五老峯下
潭之奇因遂留宿焉次早見硃砂峯於雲屏閣僧謂棲
賢李渤楞伽李公擇讀書處其南有洗馬澗由白鶴觀
以往亦李渤讀書處今為紫陽朱先生晦庵白鹿洞書
院其梁於澗曰貫道之橋其澗之隈曰勘書之臺以有

曰風泉雲壑曰聖澤之泉致祀殿庭下拜先生遺像於
 祠顧瞻磅礴思古之人得以遂其所致於茲山泉消其
 塵昏息其道氣終以大有所爲於天下者未必不少有助
 云隨至尋真觀女道士蔣尋真於此仙去祠故在焉乃
 攜衾稠躋山巔觀所謂三疊泉方二三里抵缺冰壑已
 無路稍進皆鳥道巖所創屹不得前上摩蒼冥下窮幽
 仰見一峯戴巨磐石直立雲表攀緣側足如是九奇
 峯謂之九疊雲屏而泉出其後山窮絕處也樵豎見止
 謂游者往往觸風雨雲霧類不得見而返及至天守澄
 霽向之磐石如出井底四圍巖壁欲合泉若噴濺從空
 懸布爲三疊而下透映蒼寒飛淙濺霧灑面蒙密濺然
 以醒謂坎壈必穀轉久之始下狀又若素絲千仞洞貫
 其行觸坎壈必穀轉久之始下狀又若素絲千仞洞貫
 三行雪毯於空中微陽抱景煥爛輝發蓋谷簾泉瀑布
 三峽橋青玉峽爲山南北之冠而雲屏三疊泉又青玉
 峽瀑布谷簾之冠也山至遂境至清勢不得留月中門
 蘿下宿於尋真明也夕大風雨李昭德觀吳山寶嚴寺
 祀周元公墓而歸是夕大風雨李昭德觀吳山寶嚴寺
 自建昌州還經行廬山下記八月余自京還九月以事
 行郡境二日泛左蠡揚瀾至都昌縣四日由都昌出彭
 蠡過飄搖沙宿蘆潭五日建昌州七日回至蘆潭北
 風作舟逆風不可行八日復至建昌州九日舍舟取陸而
 還是日宿德安縣十日發德安西北行三十里至蘆山
 下訪湯泉湯泉在路南距山趾不半里梵石爲池者五

南一池極熱手不可探北四池水稍溫人往往入其中
浴然皆硫黃臭余舊聞凡湯泉下必有硫黃惟驪山下
者乃是礬也礬毒石本草云性熱入水水不冰蠶食而
肥鼠食而死也又數里過醉石觀陶靖節故居其地栗
里也地屬星子縣而星子在晉爲彭澤縣節已廢惟此
大石互淵中石上隱然有人臥形相傳靖節醉臥此
石上也按史靖節爲彭澤令督郵行縣吏白當束帶見
之靖節不肯折腰小兒遂解官賦歸去來辭而歸義熙
三年也是歲劉裕實殺劉仲文將移晉祚陶氏世爲晉
臣義不事二姓故託爲之辭以去若將以微罪行耳梁
昭明謂恥復屈身異代要爲得其心夫豈以一督郵爲
此悻悻乎靖節既歸益放情於酒人知其樂於酒而固
莫窺其所以然也或云觀南諸山卽其詩所謂悠然見
南山者其所以然也或云陶姓云是靖節後又數里爲
寂觀觀亦不存簡寂者陸修靜謚慧遠法師之結白蓮
社也同社者十八人陶靖節陸修靜謚慧遠法師之結
林在廬山北靖節修靜當訪之東林之近有虎谿遠晉
不過谿或過谿虎輒鳴及送二人不覺過虎谿皆大笑
世故相傳爲三笑圖或曰慧遠卒於晉義熙十二年丙
辰年八十三修靜歿於宋元徽五年丙辰年七十二年
辰相去六十載推而上之修靜生義熙四年丁未慧遠
亡時修靜纔十歲爾至宋元嘉末修靜始來廬山時遠
公亡且三十餘年靖節死亦二十餘年矣安得所謂三
笑乎或曰晉蓋有兩修靜也自蘇長公作三笑圖贊而

黃太史以此三人實之蒲傳正劉巨濟晁無咎之流皆
有所述陳舜俞廬山記其說亦與太史同此其是非固
未決者也又循山下西北行未至郡治二十里爲歸宗
寺在金輪峯下山勢方巖然忽石峯從山腰拔起如卓
筆高與山齊峯頂有舍利塔然呼爲耶舍塔釋氏書云
佛滅後所遺舍利八萬四千散在人世龍宮皆貯以
金瓶寶篋建塔藏焉東晉時耶舍尊者自西域奉舍利
來入萬四千之一也於此建塔高若千尺范鐵爲之
外包以石峯峭峻鐵石重人力不可施皆運神通力致
之俗故呼爲耶舍塔耶舍衣去是時禪學未入中國而兆則
已此見矣耶舍之去徑上紫霄峯紫霄又在金輪東也
寺相傳爲右軍故宅有池水色黑曰墨池羲之之所洗
墨也羲之嘗慕張芝臨池學書池水盡黑此爲其故蹟
豈信然邪今臨川郡城東有墨池南豐曾氏爲記蓋深
疑之以謂方義之不可強以仕而嘗極東方出滄海
以娛意於山水間豈其徜徉肆恣而非邪宋元豐閒眞淨
余謂以彼之可疑則此之不足信非邪宋元豐閒眞淨
文禪師住歸宗時濂溪周先生自南康歸老九江黃太
史以書勸先生與之游甚力以故先生數至歸宗因
結青松社若以踵白蓮社者又名寺左之谿曰鷺谿以
擬虎谿其事爲釋氏所傳世皆爲先生實傳聖賢千載
不傳之統豈其有取於佛氏之徒而願從之游甚者又
謂濂溪之學受於壽巖佛者此又厚誣吾先哲者也余

以爲不然大賢君子於其道既有得矣其於形迹未嘗
以爲累也況先生之高致如光風霽月初無凝滯固執
奚必深辯之邪及淳熙中應庵華禪師繼主歸宗朱夫
子時爲郡亦嘗與之游華公蓋臨濟正傳於大慧爲適
孫歸宗雖非巨利以屢爲名僧所居號天下歸宗今寺
亦廢故基爲樹所蒙蔽不可入余徘徊鷺谿上甚久日
已暮遂復行數里宿開先寺明日乃還李夢陽記自
白鹿洞書院陟嶺東北行並五老峯數里至尋真觀觀
今廢有石橋自觀後西北行並五老峯數里至尋真觀
有石刻至元大德間呂師中刻也並瀾路石漸巉巖數
里至瀾之鎖口羣峯夾瀾峭立而巨石怒撐交加湍激
石瀾旁有磴人偃僂穿之行此所謂白鹿洞也過洞復
並瀾轉北行數里至水簾泉水簾泉者俗所謂三疊泉
也然路過洞愈險絕而行經鳥道石罅間人迹罕至矣
飛虹架空擊霆雪翻谷鳴此廬山第一觀也然李太白
子皆莫之至而人遂亦莫知其洞所願輒以書院旁鹿
眠場者當之可恨也斯雖略見其洞於王充記然渠亦
之傳聞又以尋真觀列之白鹿洞談矣自書院陟嶺西
北行至五老峯下並木瓜崖西行則至折桂寺朱子嘗
游此循嶺而南下至白鶴觀劉凝成棲處觀背峯曰丹
砂自觀西北行數里至棲賢橋跨瀾孤危宋祥符間
拜橋也瀾曰三峽石肝爛而巍怪鱗處瀾潭碧黛激則
拜橋旁有石亭亭旁崖刻錢聞詩詩自橋西並瀾行至

玉淵其湖噴湧來至此而穴石懸注聲如迅雷亦天下
之壯觀也過此則棲賢寺今廢李白嘗寓此自棲賢寺
西行萬壽寺有路通廬山絕頂可至天池逾湖北行則
太平寺路西數里有龍潭則在五乳峯下路仍自棲賢橋出
瀾口西行數里有長石磷磷起猶龍朱子常欲結庵潭旁
而成者潭口有長石磷磷起猶龍朱子常欲結庵潭旁
今崖壁有刻字然嵐重晝日常黯黯出臥龍潭西行數
里有雙劍鶴鳴寺香鑪諸峯有讀書臺蕭統李煜嘗寓此亦
廬山一大觀也自開先西行十數里至歸宗寺皆有馬
尾泉亦瀑布有紫霄峯王羲之常寓此洗墨養鵝皆有
池寺前里許有溫泉自歸宗寺西北行則至靈谿觀
西爲陶淵明栗里今有橋有吐酒石過此西北行則古
柴桑地有鹿子坂面陽山淵明宅與葬處自面陽山北
行可至圓通寺此一路予未之行予則自德安縣西轉
山北東行至圓通寺對石耳峯前有侯谿元歐陽元
有記宋黃庭堅亦寓此自圓通寺東行度石門澗登廬
山尋天池寺度錦澗旁有錦繡亭路雖攀緣上然修整
又林木鮮茂掘問僧曰禁山也路以曳御製碑開云行
一里輒有亭路旁崖平處皆字蓋五逾亭乃至寺寺據
廬山絕頂奉敕建者也鐵瓦而畫廊有銅鐘象鼓悉煨
於大殿前有池仰出而弗竭故稱天池云是日晴晝秋
高下視四海環雲屯紫望岷峨江南北諸山皆見然江
與湖並細小難觀矣僧爲指石鏡鐵船獅子芙蓉諸峯

乃東至白鹿昇仙臺高皇帝自製周顛碑高古渾雜真
帝王之文然碑亭漸崩裂又東觀佛手巖再下游東林寺刻非篆非隸
周顛手迹也又東觀佛手巖再下游東林寺刻非篆非隸
至西林寺觀塔東又至太平宮者卽御製碑物色周顛
處也又東至瀛溪書院又東十餘里逾三周子墓墓對逆
花峯自蓮花峯東行至吳障山過廬山逾南北子崗相思欄
並五老峯行則至白鹿洞書院此廬山逾南北子崗相思欄
案志廬山有大嶺與九疊屏風號奇絕李白詩所云屏
風九疊雲錦張今問人咸莫詰其處惟開先寺前有鹿洞
屏鋪云與諸子讀書講學自白鹿洞廬山面目也丙寅高
三年始動游興議所之或曰有四木寺游履紛錯且地勢
秋行筍輿可行余曰姑置之或曰木寺游履紛錯且地勢
平行筍輿可行余曰姑置之或曰木寺游履紛錯且地勢
曠寥闊余口似矣然尚非歸宿之處其臥龍岡乎諸葛公
之佳名也吾子朱子所愛慕之而欲結廬其閒者也舍
此將安歸雖然晉人將有事於河必先有折桂白石始
人將有事於泰山必先有事於配林請從折桂白石始
遂自鹿洞後山循岡脊而食之以當餓殍幾忘山石之
垂朱實相與采擷而食之以當餓殍幾忘山石之
也其下爲聖澤泉流東注鹿洞聲潄潄忘山石之
響溯流以行至折桂寺寺在凌雲峯下鹿洞與五老峯
降勢茲峯爲其發軔山寺後有讀書臺故陞唐李逢吉
嘗讀書於此已而舉進士寺以是名朱子有詩云竹帛
有遺臭桂樹徒芬芳八關十六子之號幾令丹巖蒙滓

然南陽諸葛廬西蜀子雲亭荀善讀書林泉當爲小
矣人寺小憩周覽巖岫前山崔嵬隱蔽彭蠡巖前有老
桂一株殆數百年物根祇輪困雙幹亭亭直上時以爲
師哉徐子符瑞從余指示二子曰兩君各折一枝以爲
來秋之兆可乎相視而笑出寺西南行過石梁聖澤泉
經其下登前山攀藤蘿而上數十步一歇息歷數十息
山微平石徑幽邃青松夾道遂至白石庵宋李公擇讀
書處也公擇及第後留書九千卷以俟來者之求蘇文
忠嘆爲仁者之心元祐初以公擇爲三司使或言其少
幹略司馬溫公曰使天下知吾意不急於利斯真讀書
人矣寺門南臨彭蠡湖光激灩若在几席閒因止宿焉
明日爲重九佳辰早飯畢西行纔里許至木瓜崖方
子雲衡干子久中諸人咸集崖前望彭蠡較白石更覺
清切崖側有洞層折而上逾數百仞下得十五老峯去平地七
千六百餘丈洞在峯前計其高下得十之八九大江南
數百里山川皆隱躍呈露不獨華岳峯頭呼吸可通帝
座也崖洞爲仙人劉混成種木瓜代食處故以氏之問
臥龍岡路遠近土人云南去尙二十餘里路崎嶇特甚
人迹罕至諸子或有難色余曰吾輩此行何爲甯畏難
而止乎明日下崖南行過太平寺敗垣破屋寂無僧侶
值太平之世有頽毀之僧廬豈其此盛則彼衰也歟過
太平澗折而西行踰洗馬池過樓賢寺側寺亦唐李賓
客讀書處蓋廬山大寺秀峯瞻雲萬杉茲其一也從
寺側南行取道叢棘閒經滴水崖下山澗中踰高家嶺

石上苔蘚斑駁滑澁巖巒陡峻鳥道縈紆百步開殆不止九折也又逾一小嶺沿北山麓行下見臥龍潭水渠溪石礪中望礪南山麓地稍開豁有茅屋數間即臥龍庵遺趾又西行數百步則臥龍岡在焉非山岡也有石橫互澗中長數丈蜿蜒若龍故名今岡擁沙磧蔽翳茅茨中形狀藏縮如龍之在蟄其起亭遺趾尚存則明嘉靖中都御史何遷所重建今亦惟餘石礎斷碑而已潭之水從百丈絕巖懸瀑而下有湜漾飛舞之勢而幽深遼杳果如前所云人迹罕至者竊怪此地山深嵐重若非風日晴明則李崆峒畫常黯黯之言似亦足信何爲吾朱子當年欲築室於此及細繹記中幸其深阻復絕非車塵馬迹之所能到則又爽然自失矣時值亭午秋宇澄清與諸子徘徊留連不能去因汲潭水取所攜茶具烹茗而飲之各欣然若有所得昔季札觀樂至於簫韶曰觀止矣吾游廬山至於臥龍岡亦云復歷亂石間下小嶺取道王楊暇過李家山爲公擇舊居望木瓜巖隱然在雲氣中到鹿洞日在西崦聽諸號舍讀書聲悠然想見折桂白石中當年景象也時乾隆十一年九月五日湯侯匡廬山賦有客壯游五嶽訛於敷淺主人曰五嶽峻嶒竈竈插無垠倚天浴日拔地干雲積封禪之銘刻露巨靈之形神並三公以位置互四海而邈鄰下俯廬峴兩秀削僅表江右之嶙峋旣殊錫號未邁等倫烏能封域未廣已而州以九名由是嶽以五享若夫徧舉名

山廣搜仙廠崑崙曳星宿而分源峨嵋挾霜雪而披
 雁蕩難飛天台莫上貫紫霓以透遲坼元氣以蕩漾豈
 可以耳目所未周而狹小乎俯仰今者提封百萬婉
 扶輿雖十洲之浩淼三島之虛無峙於庭戶闢其徑
 況匡廬環瑋南國名區詎遼美於五嶽而擅異於一隅
 相彼岡巒從空峭拔衡嶽鬱其綢繆白藤助其發越帶
 岷川以滌澗臨斗牛而高揭森秀二丈有奇彭郎吳
 百里猶越南涵星渚北枕九江西走大陸東挾彭郎吳
 城之市蜃集湖口之楫鳧翔峯翹然四出谷呀然畢張
 其陰石枯土燥其陽草秀木香聆仙樂於咫尺頓靈舳
 於中輿九壘乃吐白氣鼓紅鑪凝紫暉結雲腴挺萬
 地脉耀黃巖響而吹噓仗雙虹而橫跨獻萬象以平鋪而
 縹緲王黃保障委仙蜺之舊廬嶂分吳號山冒匡呼老
 倚天王孝鳳居天地綿綿之舊廬嶂分吳號山冒匡呼老
 聃常憇子保障委仙蜺之綿綿而相台星斗燦燦而若輪
 雪浪舂轟雲濤險峻吸彭蠡之渙汗叩珠箔之漉漉而
 破江而山移月臨流而峯印掠大姑之煙鬟擁石鐘而
 川勢祖委蛇天吳奮迅灌輸三笑之林洗瀆二仙之
 嶺露怪於山隅坐江豚於小徑若夫山頂一湖吞吐之
 朝曦浪浸扶桑之杪波翻鬱鬱則歸雲蘸水情飛來
 漢赤鱗游去繪影天池誰貽搖之風雨夕至取之鬼
 漚絲仙舟猶在楫木誰貽搖之風雨夕至取之鬼神夜
 啼玉龍拽其三疊水簾迸其餘派釀雲漿而瀉梁擗瓊
 汁而爭隘銀漢怒翻鷺毛旋挂色潤厓屨展音騰汗拜疑

吳門之匹練勝雍州之長鏃陸羽遇之而品題康王得
之而愉快左右澤射屈曲飛灑洗耳何之濯纓斯屈爾
其巖壑之險實爲崩之雄若崖側席朱闕迎風含突
奧排芙蓉停真宰出鴻濛木一拳以開擴分五老以寫
窿撼天關而有問躡巨壑而當中巖窈窕寥寥不相拱揖
峩峩業業共顯神通呼塵世之頂眾壑之宗餘則錫名錦
繡肖形雞公鶴鳴下呼塵世之頂眾壑之宗餘則錫名錦
繡或圭璧玲瓏或靈龜曳尾或獅子搖鞍或峯頭擲筆
花開穎兔或石中懸鏡雨集蟠龍駕鐵船於滄海擊練
毬於丹楓轉金輪於鹿苑禮鐵塔於蠶叢震石耳以瀝
湲上紫霄而朦朧至於石鴻留象外之微費樹幽深林
之取聖鑑則照耀迷途石門則龍蔥野霧雙闕義皇頓
峯暴露漢武嵩呼秦皇輦駐陽鳥迴翼於高標義皇頓
駕於天路交劍戟以森羅豎樓牙而布濩斯眾峯之駭
駭而大勢之類聚也若乃寒雲欲溼金都清石梁老
窀窞臺閣崢嶸水晶宮啟閭苑樓平吳猛躡虹而渡淵老
人酌醴而傾觥俯玉宮啟閭苑樓平吳猛躡虹而渡淵老
宮高翔天際露冠其巔霞烘其髻踞境超乎彼蒼通呼
吸於上帝其中宮也趾遠巡而蟠踞境超乎彼蒼通呼
峯匿窄石室坦夷陰窺繚繞松而佶屈瑞靄觸石而紛披
其下宮也偏近蛟人暗通泉府芝亭而出黃芽采金液
而綠梯仙童縹緲異草葳蕤劇雲根以出黃芽采金液
以鍊玉肌望之若近卽之已非其巖則新蘿發其虬枝
佛手展其金臂黃石出袖裏之符大雨洗屋頭之穢地

裂天開鵬飛日閉竇欲絕而未崩煙將塞而忽霽其洞
則劉越手傳衣鉢孫真火燎鬚眉錦風大王稱霸白雲
神女偏攜蓮圖其貌花表其姿蛇行屈折銅馬崔嵬尙留
引蓬萊之室深藏貳負之尸其崖谷則銅馬崔嵬尙留
莽物青牛躑躅獨授賢經蒼虎嘯於松根麻姑駕其雲
輶以杳冥晴則峯照湖光占雪零勢橫潰以偃蹇狀與
重岫嶺紛而撤壘東寺霜清虎谿月美文殊夜露神光
漱玉朝流聖水埽石白之藥苗援員嶠之松子雨則萬
山皆晦羣籟都紆隨空中之飛猱翻水內之潛魚玉虹
吼浪駝馬奔芻翻經臺畔焚光而笑開電口歸來館側
霹靂而怒張雷車沈牛西澗寂寂熒熒指瓊林之磊磊
霹靂而怒張雷車沈牛西澗寂寂熒熒指瓊林之磊磊
瀑布而睡穩雙龍封蛇岡而光迷白鹿歌馬屯遭跨驢
局促讀李氏之藏書晒昭明之無目醉石鮮白隱堆雲
屏煥生玉燭著則祥風灑徐送爽氣西來鮮白隱堆雲
晴雷謝氏山居松風灑其頂劉軻書屋皓月照其杯游
虛白之館登四望之臺乘涼栗里濯足清池昇天階而
丰神瀟灑坐錦澗而形影參差適有宮神卻懼樂巴杏
樹猶傳董奉呂子騎雲聚仙煮禾食白李於天廚留木
瓜於石孔垂紫元之琳瑯軒靈霍之斗拱蓮祖突其高
蹤禪臺顯其遺壑釋道之地皆靈螺子空青之宮成地湧
其山之支分者則有天花寶鬘螺子空青之宮成地湧
笑鳥稍拳曲呈形撫烏石之黑漆坐李家之花茵將騰

驥而遠逝乍騫翥而偶停接嶺蜂腰太細過脈鶴膝如
鱗其水之散見者出冰壺於露壑琴芳蘭於洲渚想潭
內之伏龍觀石上之跑虎射日則白蓮雪冱寒則湯
泉沸釜觀音瀉其軍持女兒操其機杼飲牛扣角興歌
卓錫飛流釀乳石門汲神泉之瑩馬尾拂鷺坡之浦泉
擅聰明池分雙數百道潏潏然飛霜萬尾泓然出土因風
則皺緣紋得石則鳴戰鼓時涓流而悠揚候結絡而迴
舞橋跨弓絃花明水許斯真開神宮於濁世毓大氣於
明湖千途翠發九曲琴瑟疏曜七重之雲仞羅三嶺之帝
都懷石髓蘊金樞風振大蜃躍騶虞吐珠光而照紺髮俯
鷹盤而觀微軀陰風振大蜃躍騶虞吐珠光而照紺髮俯
玉淵之滋灑濬金井之泥淤局鑰豫晨麗吟則百嶺呼澄
之墟若乃低枝拂潭修柯戛漢青雀白蟻所棲蒼龍元
鳥所竄此不可以縷陳烏能以臆斷哉客遠巡而起曰
匡廬之勝甲天下聞名都星分紉字而臥游擬他年而
淺主人口天剖神都星分紉字而臥游擬他年而命駕敷
黃之侶勝地有聞名教罕補誰若此中詩書禮樂之壇
仁義道德之府出孝入弟之鄉養性怡情之土竹木蔭
其道岸魚鳥洩其天機蓋自文公之出守敢之土竹木蔭
斯湖聖澤於洙泗接薪傳於濂溪陸子講君之門而提
胡氏承襲學之精微濬天根月窟析牛毛繭絲歷多
賢繼起彰彰希聖宏基若夫疑之高蹈陳貺幽棲脫屣
淳陽三隱談經彭澤一師無慚砥柱長作羽儀至今過
者低徊聞之振拔信書院之無雙豈洞天第八山高

而捷足先登水深而俗陽自潔悟物性於春華鏡秋毫
於石髮超萬丈於崇巔匯百川於溟渤覩旭日之清新
障頽波之汨沒斯則視五嶽爲兒孫鄙諸山爲邱垤者
矣豈以參錯峯巒而高低林樾遂足擅異南州儼同天闕哉
碧而蒙茸點莓苔而崕岫學翫草長於窗前聽鹿鳴於山
客良久日願從廬山受顏之至樂庶幾仰止在茲又何
角辨朱陸之迥異尋孔顏之宋謝靈運登廬山絕頂望諸嶠
岐趨於他山之攻錯俄已閉繹隴有合沓往來無蹤轍
詩積峽忽復啟平途俄已閉繹隴有合沓往來無蹤轍
晝夜蔽日月冬夏共雷雪已閉繹隴有合沓往來無蹤轍
區薄旅次山楹千巖盛阻積萬壑勢迴縈龍從高昔貌
紛亂巖前名洞澗窺地脈聳樹隱天經松磴上迷密雲
竇下縱橫陰冰實夏結炎樹信冬榮嘈噴晨鷗思以遠
夜蛾清深崖伏化迹穹岫閣長靈乘此樂山性重以遠
游情方躋羽人途永與煙霞井吳邁遠游廬山觀道士
士石室詩蒙茸眾山裏往來行迹稀尋嶺達仙居道士
披雲歸似著周時冠狀披漢時衣安知世代積服古人
不衰得我宿昔情知我道無爲唐張九齡出爲豫章
郡途次廬山東巖下詩茲山鎮何所乃在澄湖陰下有
蛟螭伏上與虹蜺尋靈仙未始曠窟宅何其深雙闕出
雲峙三宮入煙沈攀崖猶昔境種杏非舊林想像終古
述惆悵獨往心紛吾嬰世網數載忝朝簪孤根自靡託
量力況不任多謝周身防常恐橫議侵豈匪鷄鴻列悽
如泉壑臨迨茲刺江郡來此滌塵襟有越樵客忘懷

狎野禽棲閑善未果用拙歡在今願言答休命歸事邱
中琴劉允濟經廬阜回望江州想洛川有作龜山帝
始營龍門禹初鑿出入經變化俯仰憑寥廓未若茲山
功連延並巫霍東北疏艮象西南距坤絡宏阜自鬱盤
高標復迴薄勢入柴桑渚陰開彭蠡壑九江杳無際七
澤紛相錯雲霞散吳會風波騰鄢郢迹忽隨造化久利與
乾坤博胙蠻精氣通紛綸潛怪作石渠忽見踐金房安
可託地入天子都巖有仙人藥二門幾迢遞三宮何
煥咫尺窮杳冥跬步皆恬漠仙才驚羽翰幽居靜龍蟠
明牧振雄詞棟華殊灼灼盛業匡西夏深謀贊禹禔樂
雲覆鼎飛絳氣橫川躍佐歷符賢運人期茂天爵禮樂
富垂髫詩書成舞勺清輝靖巖電利器騰霜鏐游聖挹
衡尊鄰畿恭木鐸牆仞包武侯波瀾控文若旋聞刈薪
楚遽覩升葵藿稷卨序揆圖良平公輔略重地資出守
英藩諒求瘼豫章觀偉材江州訪靈嶠陽岫曉氛氤陰
崖暮蕭索潛伏屢鯨奔雄飛更驚博驚獨透煙遐騰緩
亂枝格故園有歸夢他山非行樂帝鄉徒可游皇湖終
旅泊景物觀淮海雲青望河洛城闕紫微星圖書元
閣神功多粉纈元氣猶斟酌承相迷路南宮將軍趨北
橫簪並附蟬列鼎俱調鶴四郊時迷路五月先投脩池
榭宣瓊管風花亂珠箔舊游勞夢寐新知無悅樂天寒
欲贈言歲暮期交約夜琴清玉柱秋灰變緹幕風雲動
翰林宮徵調文篇言泉激爲浪思緒飛成繳千里輝珠
踐五采含丹腰鐘鼓旋驚鷄瑾瑜俄抵鵲竊恨慙庸怠

叨聲逾寂寞長望恨南溟居然翳東郭邱爲尋廬山
 崔徵君詩日高雞犬靜門掩向寒塘夜竹深茅宇秋庭
 冷石牀住山年已遠服藥壽偏長虛棄浮生者相逢益
 自傷孟浩然晚泊潯陽望廬山詩挂席幾千里名山
 都未逢泊舟潯陽始見香鑪峯嘗讀遠公傳永懷塵
 外蹤東林精舍近日暮但聞鐘李白廬山謠詩盧侍
 御虛舟詩我本楚狂人狂歌笑孔邱手持綠玉杖朝別
 黃鶴樓五嶽尋仙不辭遠一生好入名山游廬山秀出
 南斗旁屏風九疊雲錦張影落明湖青黛光金闕前開
 二峯長銀河倒挂三石梁香鑪瀑布遙相望迴崖沓嶂
 凌蒼蒼翠影紅霞映朝日鳥飛不到吳天長登高壯觀
 天地別大江茫茫去不還黃雲萬里動風色白波九道
 流雪山好爲廬山謠興因廬山發開窺石鏡清我心謝
 公行處蒼苔沒早服還丹無世情琴心三疊道初成遙
 見仙人彩雲裏手把芙蓉朝玉京先期汗漫九垓上願
 接盧敖游太清皇甫冉廬山歌送孟浩然之廣德
 江州詩釋子去今訪名山東林西林今何處上方下方
 今愁月江渺渺兮多煙東林西林今何處上方下方
 今通石路連湘接楚饒桂花事久年深無杏樹使君愛
 人兼愛山時引雙旂萬木閒政成人野皆不擾遂令法
 侶性安閒顧況登匡頂詩遙聞林下語知是經行所
 日暮香風時諸天散花雨熊儒登送舍弟儒復往廬
 山詩能騎竹馬辨西東未省煙花暫不同第一早歸春
 欲盡廬山好看過湖風周賀送忍禪師歸廬山詩浪

面溢城岳壁青白頭僧去埽禪局龕燈夜雪補殘衲山
日上軒看舊經泉水帶冰寒溜澁薛蘿經雨晴煙暝已
知身世非吾道甘臥荒齋竹滿庭趙嘏送僧歸廬山
詩禪棲忽憶五峯游去著方袍謝列侯經啟樓臺千葉
曙錫含風雨一枝秋題詩片石侵雲在洗盞香泉覆菊
流卻憶前年別師處馬嘶殘月虎谿頭溫庭筠贈鄭
徵君家匡山首春與丞相贊皇公游止詩一顰蘭摧逐
燕鴻曾向江湖識謝公每到朱門還悵望故山多在畫
屏中李咸用送錢契明尊師歸廬山詩瘦倚青竹杖
鑪峯指欲歸霜黏行日履風暖到時衣憑檻雲還在攀
松鶴不飛何曾有別恨楊柳自依依又送趙舒處士
歸廬山詩歸岫香鑪碧行吟步益遲諸侯師不得樵客
偶相隨思舊江雲斷談元嶽月移祇應張野輩異代作
心知韋莊詩嶽立鎮南楚雄名天下聞五峯高閣日
九疊翠連雲夏谷雪猶在陰巖書不分唯應嵩與華清
峻得爲羣朱范仲淹游廬山作五老閒游倚岫矚碧
梯嵐徑好程塗雲開瀑影千門挂雨過松黃十里鋪客
愛往來何所得僧言榮辱此閒無從今愈識逍遙言一
聽升沈造化鑪歐陽修廬山高贈同年劉中允歸南
康詩廬山高哉幾千仞今根盤幾百里巖然屹立乎長
江長江西來走其下是爲揚湖左里兮洪濤巨浪日夕
相舂撞雲消風止水鏡淨泊舟登岸而遠望兮上摩青
蒼以吮露下歷后土之鴻龐試往造乎其閒兮攀緣石
磴窺空豁千巖萬壑響松檜懸崖巨石飛流淙水聲駐

聒亂人耳六月飛雪灑石紅仙翁釋子亦往往而逢兮
吾嘗惡其學幻而言賤但見丹霞翠壁遠近映樓閣晨
鐘暮鼓杳靄羅幃幢幽花野草不知其名兮風吹露漉
香澗谷時有白鶴飛來雙幽尋遠去不可極便欲絕世
遺紛厖羨君買田築室老其下插秧盈疇兮釀酒盈缸
欲令浮嵐煖翠千萬狀坐臥常對乎軒窗君懷磊砢有
至寶世俗不辨珉與玕策名爲吏二十載青衫白首困
一邦寵榮聲利不可以苟屈兮自非青雲白石有深趣
其氣兀硤何由降丈夫壯節似君少嗟我欲說安得巨
筆如長杠蘇軾過廬山下詩并序子過廬山下雲物
騰涌默有禱焉未午眾峯凜凜然故作是詩亂雲欲羃山
勢與飄風南羣隄相應和勇往爭騁一時供坐笑百態
出紫翠嵐風雁沒失東嶺龍騰出西龕然歸何處陟笑
變立談暴雨破塊北清飆歸渾涵耶然歸何處陟笑
足戲亭亭紫霄峯窈窕白石庵五老數松雪雙溪落天
潭雖云默禱應顧有移文白石庵五老數松雪雙溪落天
南麓江州北五百僧房綴密牌盡是廬山佳絕處不知
何處合題詩元吳師道廬山紀游贈秀伯庸詩昔聞
匡廬名今睹雄黃姿我舟泊其阻陰雨深蔽之平生潔
清念諒受廬君知甯辭三日淹未恨一見遲邈迺得佳
士欣然卽追隨時雲散請峯攢青偏參差五老太古色
相對心融怡披襟尋鹿迹挾淵微賢祠風雲杳餘韻書
毫抗層基前瞻三峽艤擢凌深危噴濤電雪眩轉石甬
神龍陂飛橋度三峽艤擢凌深危噴濤電雪眩轉石甬

霆馳薄暮不可留浙浙山風悲明發開先游寒谿涉清
漪入門雙劍色夾道萬虬枝飛虹瀉青嶂激玉下深池
竹亭負幽閨四壁多殘碑出林送落日踏月任遠嬉移
舟星子灣回首煙霧時歸來記所歷一一天下奇茲山
信綿遠覽勝猶多遺簡書屬有程侃仄嗟糾羈悠悠此
時路依依後來期巢栖雲松閒瓢飲淵水湄昔賢有高
躅安用微官爲宋彭履道廬山瀑布疏影詞銀雲縹
紗正石梁倒挂飛下晴昊早挽懸河高鴻鯨宮倚參差羣
步低小分明仙仗崆峒過又化作歸帆杳杳倚參差羣
影紅霞遠落明湖殘照曾共呼龍天矯幾回過月下
先種瑤草九疊屏風青鳥冥冥更約謫仙重到長歌昨
夢騎黃鵠飛不去和天也笑等恁時秋夜攜琴已落洞
曉天霜

前山在星子縣東南一里許舊有宋馮去疾別墅對峙
者爲後山在縣西一里宋陳圓隱此

層城山在星子縣西五里今謂之烏石山晉陶潛游斜
川詩序臨長流望曾城卽此又西二里爲玉京山其地
名上京陶詩所云疇昔家上京也

鳳皇山在星子縣西南十里湖漲時山勢浮若鳳翔又名流星山今改呼福星相近爲錦屏山下有錦屏鋪東古山其上有法輪院下有法輪井前有石門梅花洞從寺東行爲臺石刻觀瀑臺三大字其西爲西古山上有西古寺下有石門釣魚臺又東古山觀音巖之西北爲洪井山傳是葛洪煉丹處

錢家山在星子縣南十五里又南十五里爲一字山兩水夾出蓋府治之賓山也一名藍車山迤西爲精舍山石照山在星子縣西十五里有圓石依崖明淨如懸鏡然又西十五里爲黃龍山秀聳磅礴周五十里相傳唐廣明中有龍見故名山有兩巖識云三爪踏三谿謂沙谿豬谿龍谿也西麓有通書院或曰淵明故居或曰宋

以來星子所立以祀靖節者北麓有二池曰溫泉

象山在星子縣西南四十里形如象又縣西五十里有觀羊山

顏家山在星子縣北五里相傳顏魯公嘗居此山前有龜眼井明知府田琯鑿其側有向家山宋縣令向沈嘗游此故名又北五里爲朱家山宋朱弼故居其東爲白鶴觀唐開元道士劉混成煉丹處

幽邃山在星子縣北棲賢橋西宋馮京愛其幽絕留止讀書未幾擢第有古松京所手植李家山在縣北五老峯下因李公擇所居得名山麓有寒泉亭蘇軾所品題也

定山在星子縣東北十餘里濱湖兩端大而中小形如

金鋌

龍塘山在星子縣西北三十里峯巒峭拔環抱湖灣又西北十里爲屏風山丹霞紫壁如屏障然側有悟泉石牛山在星子縣北三十里亦名鬬牛山相傳女真李騰空蔡尋真所憩上有棋枰石又北十里爲青山其東北爲香山多產香草

雞籠山在星子縣西十五里下有潮泉晷刻不差朔望尤大上有柔石可爲礪稍北爲封家山

鴉髻山在星子縣南四十里形如三台時起雲霧相近有龍潭山

吳章山在星子縣北四十五里廬山之末一名吳障山吳所保障也過此卽九江界

西山在都昌縣西一里延袤十餘里明宏治閒知縣王珀奏立陳皓祠於此其上有八仙臺雲住石空遠石釣磯山在都昌縣南五里臨湖有巨石如臺端潔特立相傳晉陶侃微時垂釣於此得一梭化龍而去

佛殿山在都昌縣東七十里紆迴曲折上有清泉四時不竭又龍宮山亦在縣東七十里

三山在都昌縣東南六十里鄱陽湖中又四望山在縣東南九十里湖中四望空闊舊有巡寨

南山在都昌縣南二里與西山並峙爲邑左障下有泉名野老甚甘冽歲旱不涸蘇軾黃庭堅嘗游憩於此石壁山在都昌縣西南七里山麓有石高數丈截然如壁下臨大江謝靈運嘗居此

大磯山在都昌縣西七里一名大雞山懸崖百仞長三里許一名望仙山頂有平石世傳晉許旌陽拔宅飛昇蘇耽於此望之山麓出磯子鉛禁不得採又南爲小磯山亦名小雞山二山之間爲磯池舟行多險明李萬寶詩鄱湖閣蘭橈沙際見石室舟人向余道茲山頗笑兀孤游恣觀覽樵徑良可覓散愁凌絕頂進照逐雲物縱目幸無礙窮探紀非一數峯湖上浮五老雲端立晴空獨鶴飛落木元蟻集曠蕩足怡神幽獨未爲慄雲夢信可吞奚有龍鼉窟長嘯落漁蓑天風吹斗笠

芙蓉山在都昌縣北十里山巒大小相對如芙蓉然縣東北十里有赤石山上爲饒州界下乃湖口彭澤之通衢

團山在都昌縣南二里湖中爲邑塞口春夏水漲狀如覆釜其南半里許又有小團山一名印山又名寶塔山

石流山在都昌縣西北二十里亦名石流觜水勢至此甚急投以石則隨水而去因名麓有觀音洞深廣可容數十人又西北五里爲五谷山突出湖濱亦名五谷觜小岡山在都昌縣東北六十里島山在縣東北七十里元辰山在都昌縣西四十里道書第五十一福地又名蘇山晉蘇耽居此有丹竈石杵白履迹源馬迹洞橋井最高處爲黃茅嶺其坳平衍有田數十畝塘水四時不竭山下有顯福觀

陽儲山在都昌縣東四十里居眾山之南謂其陽氣所鍾故名其巔有石房白晝昏黑持炬亦不可入

團鳳山在都昌縣北五十里下有宋龍圖學士吳中復祠又北十里爲雲泉山有泉出雲號曰雲堆明劉存芳

居此引其流爲洗墨池又十里有檀樹山一名檀頭山
宋檀道濟領兵登此故名

蜈蚣山在都昌縣西六十里接新建縣界縣西五十里
一作二爲左蠡山勢逶迤爲縣西北之襟喉以臨彭蠡
湖東而名上有龍神廟下有左蠡城今圯

城山在都昌縣西北七十里一名城子山宋檀道濟築
城於上又十里爲土目山巨浪衝激其孔如目下卽土
日湖連湖口縣界

華山在都昌縣東北九十里高壓眾山擬之太華故名
黃金山在都昌縣東北一百二十里山頂有龍湫禱雨
多應下有大石數十丈飛泉噴落又名飄水巖迂迴而
入忽登爽塏有田常豐

歐山在建昌縣西南三十里紆迴峻極頂常出雲本名雲居山世傳歐岌得道於此山陽有鵝公巖走馬巖山陰有陽坳有大小馬頸馬頸者以兩山斷絕中止一綫相屬從二百餘步橫尺有咫兩旁皆深谷無影行者股慄山上羣峯環抱凡十有一俱削城郭而上復開豁有湖有田

錦山在建昌縣西北隅又縣西一里鶴鳴山舊建儒學於上今趾猶存

尖山在建昌縣西五里屹然特立於修江之左

鳳棲山在建昌縣西十五里山勢旋伏如棲鳳上有象王佛頭羅漢盂等峯半有騰雲石常出雲氣下臨河

有太子洞

謹案謝志上有象王以下二十八字屬蟠龍山下今依府志改正

蟠龍山在建昌縣西南十五里

將軍山在建昌縣北十六里舊名軍山有漢樊將軍廟故名

越山在建昌縣西四十里上有平窩四周如城可避兵亦名越王寨又西十里有迴城山高峯峨然險踰城郭上有聖水塘常盈不竭

長山在建昌縣西南五十里與龍安山相對宋岳飛討李成屯兵於此

下城洞山在建昌縣西七十五里中有鐵封墓傳爲吳王陵去桃花峯三里許下城門水所出也

西山在安義縣東南四十里卽新建西山蜿蜒綿亙西入縣界爲境內巨鎮

文山在安義縣西五里俗呼擡頭山明嘉靖閒知縣李恆敷改名台山宋朱子知南康軍時常登此愛其峯巒秀麗故又稱文山謹案舊志載文山在縣南十里台山在縣西三里安義縣志考境南無文山惟縣西五里台山上有朱文公祠國朝知縣王純記云邑治西有台山爲朱文公過化地遂名文山今據正以改

仰天獅山在安義縣南二十里相傳宋黃真君修煉之所上有石屋二

鶴舞岡山在安義縣西南十里

馬山在安義縣北三十里爲寶峯山左支前有一峯矗立九曲水繞其下

睡虎山在安義縣東十五里山勢拳曲如睡虎故名上有宋鎮撫張松墓又東十里爲五名山林巒疊聳石澗

深曲又東十里爲筆架山相傳鄧真君得道處鑿石爲
祠又有兆州山巖石磊落其形如兆下多良田民居有
砦州郭

五老峯在星子縣北三十里潯陽記云橫隱蒼空迴厓
彭蠡其形勢如河中府虔鄉縣五老山商邱漫語云自
下望之勢如偶立自上觀之相距甚遠巉削壁立數千
百仞軒軒然如人箕踞而窺重湖又如五雲翩然欲飛
湖山煙水微茫映帶東南州郡數百千里軒豁呈露可
指顧而盡廬山志云高七千六百丈五峯之頂常有光
見見則奇雲擁遏趙石梁云廬山之景盡於東南故五
老奇絕竟無有與之相抗者誰謂匡廬無主峯也下有
李白書堂楊衡符載隱居釋道之室尤多東北爲屏風

疊下爲九疊谷奇譎萬狀北爲益孟峯又五小峯曰獅

子金印石船凌雲幡竿又五老中兩峯相交峯罅逗光

曰星眼唐李白登廬山五老峯詩廬山東南五老峯青

雲松南唐道士吳筠游廬山五老峯詩彭蠡隱深翠

蒼波照芙蓉日初金光滿景落黛色濃雲外聽蟬煙

中見容玉膏正滴漈清滿灑慨所從整策務探討嬉游

一逢揮手欲輕舉爲余扣瓊鐘空香清人栖層崖道合乃

宗承用謝物累吾將乘鸞龍宋孔武仲五老峯詩峽

巖起青峯森然五老翁雲將色共古天與壽無窮突兀

巖際曾經壞劫中夢齡應可錫圖寫獻堯宮明蕭岐

詩峩峩五老人乃在匡廬山不知幾年歲俯仰俱蒼顏

端居煙霞表下視滄波閒羣峯列諸孫秀者如雙鬟

余未佚老愧爾長清閒正面色逾好側見景不慳因看

瀑布泉忽憶東林關相期巢雲松鼓柝常南還郭正

城詩湖中五老峯去天不盈尺淵底白雲生五老頭俱

白鹿國朝干特鹿洞西望星眼詩山上有匡廬山下有

白鹿政扉見峯頭曙星凌空矗靜觀常有匡廬山下有

日五老時顧子顏色蒼以穆子亦顧五老爽氣相往復

舒忠謹湖中望五老峯詩廬山高不極翠壁總鄰天

洞自仙騎鹿峯曾禹泊船雲吞三楚路樹合九江煙
 屬何時到松門借一椽撰日期來此扶筇上翠屏
 歸僧徑黑煙破鶴峯青落瀑生秋漲移雲暗晚汀
 有兄弟吾欲問山靈曾晚鄰陽湖望五老峯詩蒼
 蔥翠兩三灣欲載匡廬出故關水合江湖歸萬里
 吳楚接千山老蛟吹雪波濤白高髻懸崖薛荔班
 偏隅非華岱也稱喬嶽俯雲間朱微五老峯上絕
 詩踏倒兜羅綿四望琉璃界不知天地開何者有
 查慎行五老峯觀海綿歌峭帆昔上鄱陽船我與
 老曾周旋兩廡相隔骨不仙蹉跎負約十四年近
 知厭世纏筋力大不如從前扶杖入南極分炎蹕
 與人爭先山神手握造化權走入南極分炎蹕絕
 從後者鞭假以半口登高緣風清氣爽秋景妍芙
 丈開媚娟長江帶沙黃可憐湖光淨洗顏色鮮背
 落蓋地圓尺吳寸楚飛鳥邊初看白縷生棲賢樹
 挂兜羅綿移時騰湧覆八埏四方六幕一氣連稻
 滾浩然渾沌何處分坤乾近身扁石履一拳性命
 寄不測淵陽鳥孤撲光忽穿餓蛟倒吸無留涎以
 山川自川五老依舊排蒼巔來如幅巾裹華巔去
 衣袒兩肩酒星明明飛上天人間那得留青蓮此
 景世莫傳頃刻
 變滅隨雲煙

鶴鳴峯在星子縣西十里鶴嘗棲鳴其上南唐鄭元素

隱此

宋朱子詩不見山頭夜鶴鳴空遺山下瀑泉聲野人惆悵空無寐一曲瑤琴分外清

龜背峯在星子縣鶴鳴峯西南一名行龜峯又西南爲寨雲峯一名紅石崖又西南爲雙劍峯兩峯峭麗勝於山北之雙劍又西爲犀牛峯梅溪集謂之牛頭巖又西南爲香鑪峯形聳如鑪常出煙霧西南有姊妹石形如二女比肩鶴鳴之東北有慶雲峯萬杉寺在其下又東北爲淩雲峯下有唐劉軻宋劉弇薛溉三書堂

金輪峯在星子縣西二十五里峯形如輪旁有石鏡峯

峯東一圓石懸崖照人毫髮必察

唐李白入彭蠡經松門觀石鏡補懷謝康

樂題詩書游覽之志謝公之彭蠡因此游松門余方窺石鏡兼得窮江源將欲繼風雅豈徒清心魂前賞逾所見後來道空存沉屬臨汎美而無洲渚喧漾水向東去淅流直南奔空濛三川名回合千里昏青柱隱遙月綠楓鳴愁緩水碧或可采金精秘莫論吾將學仙去冀與琴高言

鮑溶廬山石鏡詩東巖采薇人巖際朝見月

怪陸幽蘿開非時更澄徹絲蘿就玉兔再與高鳥歇清
光照掌中始悟石上發誰傳陰陽火鑄此天地物深影
藏半山虛輪帶凝雪早迴謝公賞今遇樵夫說白日乘
綵霞翩翩對容髮我圖辨鬼魅信美留煙闕形神乍相
逢竟夕難取別如其終身照可化黃金骨明吳國倫
詩萬仞峯頭石鏡懸平臨日月倒垂天淪江夜色寒相
照下有驪龍不敢眠

太乙峯在星子縣西北二十餘里峻削與眾峯殊其下
有老鷹崖廬獄祠南爲萬壽寺西南有德勝龍潭遇旱
祈雨輒應

石人峯在星子縣西北二十里有石拳聳如人狀其北
圓如毬者爲繡毬峯

紫霄峯在星子縣北二十五里相傳大禹刻石於石室
中好事者縋而下撫得百餘字奇古不可辨惟洪荒濛
予乃樺六字可識云又傳秦始皇登此謂其與霄漢相

接故又名上霄峯實則兩峯並峙也紫霄峯後有觚底

池傳是許吳二仙遺蹟峯側有棲隱洞南唐道士譚紫

霄所居唐楊衡登紫霄峯贈黃仙師詩紫霄不可涉雲峯信穹崇下有瓊樹枝上有翠髮翁雞鳴秋漢

側日出紅霞中璨璨真仙子執旄爲侍童焚香忘言默念含太空世華徒熠燿虛室自勝騰雲飛瓊瑤國

息芝蘭叢玉籙掩不開天窗微微風茲焉悟佳旨塵境亦幽通浩渺臨廣津永用挹無窮宋朱子詩此日登

臨處千年錦樹稠無人嘲落帽有客賦悲秋忽忽塵中老思思物外游江湖空極目不盡古今愁明吳國倫

上霄峯詩上霄峯影踏吳天石匣丹書總未傳巖下久無封禪使老人常枕白雲眠

白雲峯在星子縣西二十五里上有瀑布泉及白雲洞

洞之東北有峯二曰直梭曰起雲高峻者爲金雞峯其

側有金雞洞俗呼洞子門南爲簡寂觀宋大明閒道士

陸修靜居此觀前有六朝松數十株今存者十四松猶

作龍鱗摩霄也

漢陽峯在星子縣北廬山頂南大嶺也望數百里極目江漢故名南康人謂之漢王包九江人謂之漢王坡南康志作漢陽峯蓋方言訛陽爲王耳廬頂惟此最高大東放乎桃林萬壽寺西迄乎康王谷其巔平曠無喬木下視濛濛窈不見底雖六月亦寒慄有峭壁曰禹王崖相傳大禹治水時登此峯北有巨石呼爲天鏡石其下有袈裟泉峯南與黃巖瀑布源相接又北有小漢陽峯

國朝查慎行自含鄱嶺下東行至蚌蜺嶺望漢陽峯詩已就匡南道紆迴下嶺行路尋松風迹山占草蟲名曉霧沾衣重秋風信杖輕翠屏

聞合處遙指仰天坪離猷璣

般若峯在星子縣西廬山西面最高處其下有董奉館杏林東爲耶舍塔山耶舍尊者造塔以藏佛舍利塔之

西南爲三將軍洞

玉巒峯在星子縣西三十里其西南爲佛頭峯上有隱居洞慧日寺慧日之水經破山流入穀山湖智林寺水東南流與慧日之水合

黎仙峯在星子縣西五十里在廬山絕頂舊傳黎氏女昇仙處禱雨輒應有祠今廢

篁竹峯在都昌縣東北二十里原名龍王腦

桃花峯在建昌縣西八十里其上馬尾泉飛噴如霧噴厖如雷游者見玉屑晶瑩眩晃不自持喜懼并也嘗有桃花流出故名

藕峯在建昌縣西九十里頂有方石石上如兩紳拖白相傳何萬二仙女於此飛昇歲旱鄉人禱焉

羅漢峯在安義縣東四十五里晉許遜葬父之所相近

有會仙峯舊傳遶斬蛟時會十二仙真於此

錦岡嶺在星子縣東一里宋設錦岡驛於此

迎春嶺在星子縣西一里又西一里爲少府嶺

師林嶺在星子縣西南三十里與西古山相接有宋陳準石室書堂

羅漢嶺在星子縣廬山白鹿洞南數里有羅漢寺剏於宋廣濟堅禪師寺後有觀音塔觀音泉塔久廢寺今亦燬猶存金鐘堰諸古蹟張公嶺在廬山簡寂觀東南與洪井山相近

含鄱嶺在星子縣廬山之半面鄱湖若有吞吸之象故名桑疏云卽九奇峯東第一峯也以含鄱口故別出此名山橫亘尖歛如火又如猛士乘馬而馳勢甚壯偉嶺

之東南中豁爲含鄱口又西南爲歡喜嶺乃登五老峯
之大路

鈴岡嶺在星子縣卽三疊谷北崖極高峻上有觀音洞
深半里許又有仙人磨二圓石在嶺上相積疊如磨形
望湖嶺在都昌縣東三里正望湖中因名一名望夫嶺
呂公嶺在都昌縣北九十里甚險峻道左有清泉甘冽
金街嶺在都昌縣西一百八十步有玳瑁閣

石牛嶺在都昌縣東四十里高五里上有宋江萬里
梓里碑記

陽嶺在建昌縣西七十里嶺之西北有峽石坳與德安
縣分界古松二株兩縣各一蒼翠競秀
長嶺在安義縣東三十里爲入省孔道

臥龍岡在星子縣西北二十里宋朱子嘗建臥龍庵於此祀諸葛亮其西爲五乳峯

茅岡在都昌縣五都又大埠岡小埠岡俱據鄱湖之勝馬腹岡在建昌縣北二里又縣西四十五里有千秋岡龍頭岡在安義縣西南二十五里一作二十里山首皆石下

爲深潭石珠一顆慧見波閒俗名蒼龍戲珠

臥雲崖在星子縣北五老峯前有文殊臺及盂孟泉振錫泉麻姑崖在廬山九疊谷東北壁立數百仞舊名鐵壁峯其下有普庵洞木瓜崖在廬山石船峯西南卽道士劉混成種木瓜爲食處也又南爲凌霄峯有凌霄巖猴子崖在建昌縣西八十里下瞰修江峯律千仞江干路斷鑿石通門亦曰城門山

黃巖在星子縣北寨雲峯西巖有二大者可容數十人巖下有寺寺下有文殊塔雨巖在縣北漢陽峯南巖窈而深晝常黯黯雲出即雨

獅子巖在建昌縣南當陽津形如獅子

白鹿洞在星子縣北二十里廬山五老峯下唐李渤讀

書處渤嘗畜一白鹿故名明知府何濬鑿石鹿置洞中

朱朱子白鹿洞賦永后皇之嘉惠宅廬阜之南疆閔原田之告病陽農之非良粵冬孟之既望風余駕乎山之塘徑北原以東爲陟李氏之崇岡揆厥號之所繇得頽趾於榛荒曰昔山之隱處至今永久而流芳自昇元之有土始變塾而爲庠嚴衣冠與絃誦紛濟濟而洋洋在叔季而且然矧休明之景運皇穆穆以當天一軌文而來混念敦篤於化原乃搜剔乎遺逸盼黃卷以繼郵廣青衿之疑問樂菁莪之長育拔雋髦而登進迨繼照於咸平又增修而同倦旋錫冕以華其歸琛亦肯堂而貽孫悵茂草於熙甯尙茲今其奚論天既啟余以堂壇友又訂余以冊書謂此前修之逸迹復關我聖之宏模亦既震於余衷乃謀度而咨諏尹悉心以綱紀吏竭

蹶而奔趨士釋經而敦事工殫巧而獻圖曾日月之幾
 何屹夏屋之渠渠山蔥蘢而繞舍水汨汨而循除諒昔
 人之樂此羌異世而同符偉章甫之峩峩抱遺經而來
 集豈顙眺聽之爲娛實觀宮牆之可入愧余修之不敏
 何子望之能給矧道體之無窮又豈一言而可緝請姑
 誦其昔聞庶有所懷謹巷顏之攸執彼青紫之勢榮亦何
 立允莘摯之所懷謹巷顏之攸執彼青紫之勢榮亦何
 心於俛拾亂曰澗水縈石絳鳴廖兮山木萃尊枝相慘
 兮彼藏以修息且游兮德隆業茂聖澤流兮往者弗及
 余心憂兮來者有潛我將焉求兮方岳白鹿洞後賦
 次晦翁韻并序晦翁先生去洞之六十有九年其里中
 學子方岳幸得主藏書徘徊顧瞻有慨其歎蓋歲行之
 無幾而世變已不古矣乃次翁韻爲白鹿洞後賦招我
 同盟而畝之其辭曰始余眺眠鹿之町疇界白雲以爲
 疆嗟五老人者之無恙獨有視於二千石之維良朝予
 樂兮紫陽夕子夢兮朱塘訊風泉與雲壑勞降嶽而陟
 岡慨夫子其未遠甯吾道之易荒言琅琅以猶在將彌
 久而彌芳皇拊髀其永懷一天視於帝庠俾雲漢之昭
 義之是閑豈善惡之可混與有念哉毋諉焉於氣運惟命
 遜道烏在乎高深體吾身其學問將喻利以尺枉抑嚮
 方而寸進念日用之常行奚先傳與後倦今來歌而嚮
 游尚及門之子孫匪執經而問焉誰與歸兮共論予既
 互鄉之晚生又主藏山之遺書悵莫企乎前修思盡復

其舊模嶠去籍以紛放肆予度而予諫二三子其來前
知吾今之步趨枕寒流以漱石有書右兮左圖儼老仙
之在旁何人斯而予肯同夫讀書城南之符也駕長風
而來思抱明月以翔集毋空谷其遐遺幸聖域之優人
以經籍為朋友以泉石為供給佩猗蘭之秋香初芙蓉
而手緝盍歸來乎山中兌麗澤其講習清斯濯以自潔
起風零而獨立挹煙雲而進之問孔聖之何執將玉林
其與遊期瑤草之共拾亂日有銷其佩琳琅兮風蕭
蕭然山川穆兮翁乘白雲駕言游兮道斯在斯如泉流
今勿遐爾心為翁憂兮歸來歸來吾與子求兮明王
為予言往時荆棘塞路不可往頃因伐大木往者眾路
乃始通然路上虎縱橫苟欲往非多擁騶從不可用是
欲行輒復止會行省符檄郡府取大木余因挾星子令
及都昌主簿彭能領丁夫與同往去郡北行十五里至
羅漢寺路分兩歧由東入棲賢谷西則至白鹿洞也此
至兩山勢回合當其合處淵水出焉過澗逾小嶺嶺有
缺若闕門然入關路循湖北並山轉澗南皆良田也約
二三里乃至書院遺址正當五老峯下書院毀已十五
年樹生瓦礫間大且數圍前有石橋曰濯纓其左又有
石橋曰枕流過枕流則從列女廟登北岡岡上有大杉
木六七百年物也有司今盡伐為御殿物矣於是書院
所存者獨此二橋從卒指殿堂齋廬及風泉雲壑樓故

處以告甚歷歷慨想昔日規制不可見惟聞山鳥相呼
鳴山谷虛寂餘韻悠揚恍類絃歌聲或云從此右折東
南逾重岡行二三里乃至所謂白鹿洞卻從洞後復右
折陟嶺乃可到尋真觀望水簾也不果往徘徊久之而
還按白鹿洞唐李渤讀書處也南唐昇元中始即其地
爲學給田以食其徒所謂廬山國學也宋初太平興國
學惟有四書院睢陽石鼓岳麓及白鹿洞也崇寧末乃
二年敕賜白鹿洞九經當時學公爲郡始斥其舊而大
盡廢及清熙七年考亭朱文公益衆而白鹿洞之盛出他
又定爲學規示學者來學者益衆而白鹿洞之盛出他
書院右自後守其成規二百年如一日也而廢今乃
如此余亦無如之何也余嘗怪世之爲佛老氏之學者
其宮室一廢壞輒修舉之不旋踵豈佛老氏之學能盛
於儒者哉蓋爲其徒者有勤行之意堅持之操能必其
成故也至於世儒習聖人之道常歛歛不自振不能以
有爲而聖人之道積矣余於是蓋憂重歎之也舒芬白鹿
弊也非一日之積矣余於是蓋憂重歎之也舒芬白鹿
洞賦次朱子韻設吳越之兩界鎮江黃之故疆維匡山
之偉觀屹顏波之忠良姚虞而迄周罔或烈而遂荒肆
有阪有隰有幽閒鬱草樹而臭芳終名勝之莫掩肇宮宇而
膠庠屬鴻儒之起廢濟後學之望洋適奎隲之聚輝贊
斯文而起運敬義揭以直指老佛闢而莫混土知方以
有來或於焉而繫遊子茲仰門牆而振衣隸也跋峯巒

而頻問聆石泉三折而東之諒前途伊邇可勇進雲相
隨乎其若無心鳥相依乎其若不倦感農夫之刈麥嬉
引鋤而弄孫奚真朴之難復可於此而尚論既乃度湫
石之新梁觀華扁之大書欽皇明之賁飭匪涸熙之舊
模聖像儼乎可畏規言炳乎足誦曰既及乎其門敢不
繩夫步趨嗟乎孔道之再興惟太極之一圖爰定性於伊
洛亦訂頑於橫渠視主靜與慎動尚窺壁而循除闢千
古之幽祕圖與易而契符謂朱夫子之渾然猶樂大成
之概集迹窮理於庶物真乾健而巽入顧俾小子之務
茲懼夫勉行之莫給矧危微之墜緒烏紀誦之能緝天
既設夫我中聖又示之以時習胡甘白首之紛如須圖大
者之先立庶據依之有地斯射御之可執矢自今而惕
厲力恆干於人十亂曰八音宮縣夏玉璆兮聲出林木
難爲鬱兮千載一時白鹿游兮其峙爲山其冰爲流兮
悠悠未艾我能無憂兮日月逝矣亦敏求兮宋朱子
尋白鹿洞故址愛其幽邃議復興建感歎有作清冷寒
澗水竊窺青山阿昔賢有幽尚眷言此婆娑事往今幾
時高軒絕來過學館空廢趾鳴絃息遺歌我來勸相餘
杖策攀緣蘿謀野欣有獲披圖知匪說永懷當年盛華
莘衿佩多博約感明恩涵濡熙太和淒涼忽荒榛俯仰
驚顏波發教逮紀綱哉碩然心靡它伐木循陰岡結屋依
陽坡一朝謝塵濁歸哉碩人邁又游白鹿洞得謝字
賦呈元範伯起之才三兄并示諸同游詩歲月有環周
窮臘忽受謝眷眷山水心幸此朱墨暇招呼得良友遊

近成夙駕深尋故轍迹喜見新結架永懷拾遺公藏器
 此待價橫流詩書澤下反楊李霸炎神撫興運制作流
 大化石室萬卷藏綸言九天規模未云遠荒菲良可
 詫自非賢邑宰誰復此精舍會當求救賜卑願老耕稼
 更與盡心期臨流抗風榭明李夢陽白鹿洞徧覽名
 蹟詩情高忽凌厲步健輕巉緬葛弱亦須捫崖滑每獨
 踐涉清愛重履探阻遺驚眩始茲陟五峯遂憩松下巘
 巖桂紛始華石耳翠可卷追想白鹿迹伊人竟何遠觸
 端緒自縈薜荔況在眼慨歎意莫置顧望日已晚夕湖
 浴岑峭流光滅蘭坂命酒寫幽獨鳴琴且游衍晚夕湖
 先游白鹿洞歌何年白鹿洞正傍五老峯五老去天不
 盈尺俯窺人煙雲重我欲攬秀色一一青芙蓉舉手
 石扇開半掩綠鬟玉女如相逢風雷隱萬壑瀉恐崖
 倚樹聞清鐘洞門之外百丈松千株盡化為蒼龍駕蒼
 龍騎白鹿泉堪飲芝可服何人肯入空山宿空山空山
 卽我屋一卷黃庭石上讀羅欽順游白鹿洞詩斷岡
 深谷少人行逢著山花不識名水滿稻田羣鷺下林藏
 茅舍一雞鳴儒冠夾道儀肅石刻臨谿字半明追省
 舊游多漫浪斯文今日最關情李應昇白鹿洞月中
 口占四首長松蔭寒泉隙月墮深井驚磯老龍鱗散落
 千層影山靜鳥無言月波冷可沐不道石上月還疑
 眠白鹿渡谿芒屨溼兀立酒初醒點點松梢白疏痕
 幾箇星言尋獨對亭相將松影去獨對者誰子問松
 松不語國朝魏際瑞詩季子先來此曾言洞口松千

株百株盡古怪煙生白日寒漠漠中有紫霞詩壁上擎
驚龍風雷轟裂變晝夜精靈破壁騰騰秋空洞門之側立
五老洞中之鹿如冥鴻五老騎鹿去不返遂使千古朱
陸紛異同鹿不歸洞已物洞口蒼松日夜號蒼苔緣碑
蝕山骨王士正自白鹿洞至三峽澗詩谿行少阡術
沿洄屢迷津馬蹏怯危石欲下還逡巡出谷見稻畦煙
火自成鄰日午聞雞曉衮徑兄遺薪薪荔衣怪樹山風
恐行人舉首五老峯白雲如魚鱗遙青遞隱見光景相
鮮新望望玉峽亭聊可垂吾綸

木瓜洞在星子縣北木瓜崖

國朝李鳳翥詩一卷黃庭一粒丹閒雲舒卷地天

寬木瓜洞裏春長在羣鶴翩翩繞舊壇

谷巖洞在星子縣北元妙觀內傳是何楊二真人得道處

仙居洞在星子縣北四十五里兩山相翼岡巒重複宛

如洞府故名

宋錢開詩詩仙客神人幾度行環山岌業似重城有門不掩寒溪月終日水流無盡

聲

觀音洞在都昌縣西北二十里石流山下方廣丈餘一
竅直達山巔內有五色土

黃荆洞在建昌縣西八十里許下城洞山之左石泉循
崖而下雪霏煙輕殊有奇態

棲賢谷在星子縣北含鄱口南三峽澗出焉廬山之谷
以三數棲賢爲大又多奇勝人樂游之遷鶯谷在鶴鳴
峯東唐侍郎何乾耀葬此谷內竹木深茂有水泉又五
老峯之背有青蓮谷以李白得名

青牛谷在星子縣北五老峯下相傳道士宋洪志乘青

牛得道處

唐楊衡宿青牛谷梁鍊師仙居詩隨雲步入
青牛谷青牛道士留我宿可憐夜入明月中

惟有壇邊
一枝竹

康王谷在星子縣北三十五里一作釗城蓋周康王名

也或作康陽梁劉孝綽酬陸倕詩乍觀秦帝石復憩周
王城卽指此舊志作楚王谷宋朱子康王谷水簾詩循
山西北驚崎嶇幾經邱前
行荒蹊斷谿見清溪流一涉臺殿古再涉川原幽紫紆
復屢渡乃得寒巖飛泉天上來一落散不收披崖日
璀璨噴壑風颭颭追薪爨絕品淪茗澆窮愁敬酌古陸
子何年復來游王十朋游南山入康王谷以不觀谷
簾泉爲恨南康李守致上尊乃此泉名也戲成一絕不
飲谷簾山下水徒觀瀑布下長川使君破我游山恨酒
寄人閒
第一泉

青玉峽在星子縣西秀峯寺後下有龍潭國朝陸奎
勳青玉峽用

范文正公觀瀑韻詩峯頭鶴不鳴亭隅泉可挹氣通源
故高脉東流始急潭影涵空明觸石怒陡立雙龍挾雷
飛萬古罕得蟄棘鷓鴣羈跡西嶠灑雪上青松天繪妙
於湮攜來謫仙謠陋彼鮫宮泣樵斧韻丁丁磨崖覩深
入

長山坳在都昌縣東七十里上有獅子山爲往來孔道
磯峯尖在都昌縣東二十五里高入雲漢望之極秀其

前兩山壁峙一水中流爲縣之勝

德星石在星子縣南五里湖中舊名落星高五丈許相

傳星隕所化

明陳謨詩星宮墮江化爲石作鎮鯨波與蛟室東西日月異崑崙金碧樓臺自兜率

海枯塵起劫火飛陽侯鼓波竟何術大船駕海鏡猶來

戰罷湖中血波赤至今白骨堆山邱此石雖頑淚應滴

君王掃除江海清匡廬五老復精明南朝三百六十五

安得乘雲取次行陳翼飛詩白榆何夕墮危石青如此疑是酒星沈

渴飲湖中水

燕窩石在星子縣北二里延慶院東其形似燕窩

漱石在星子縣北白鹿洞釣臺石西溪水湍激處

明邵寶詩

山骨本至真寒泉更磨琢暮暮復朝朝肯許分毫濁物理固相資所患輟勝作對此感盤銘請向溪邊濯

神掌石在星子縣東一里石方而黑文隱隱如人掌俗

呼神運石又縣東十里有蝦蟆石枕湖雷擊折其首

華蓋石在星子縣北二十五里尋真觀前朱子所名一

名聖壽無疆石

定心石有二一在星子縣北紫霄峯上一在縣北黃巖之南

介石在都昌縣東南六里臨湖巨石如削因名又左蠡山有大石小石

五墮石仙腳石歡喜石俱在建昌縣歐山上又有形肖龜蛇及鼓與頭巾者

以上並據府縣志

江西通志卷五十四